

「咸淳」臨安志

四

咸淳臨安志卷之五

行在所錄



御史臺

在清河坊門北鄉蓋取嚴肅之義 紹定五年重建

朝堂

即臺廳朝服入幙頭白衫出有

御札二石刻

臺諫風憲之地振舉紀綱糾逖姦邪密贊治道
年來用人非據與大臣為支黨而濟其喜怒甚
非耳目之寄 朕今親除公正之士以革弊繼

咸淳臨安志卷之五

此者宜盡心乃職惟結主知無更合黨締交敗
亂成法當謹茲訓毋自貽咎

右 紹興二十五年 詔諭臺諫殿中侍御

史臣湯鵬舉記臣竊以天子耳目之官朝

庶僚必欲德意下孚民情上達無一夫之失
所與萬國以同休要當開公正之路杜邪枉
之門小人道消而百志惟熙天下治舉而庶
績其凝薄海內外小大之臣咸懷忠良則臺
臣豈小補哉是誠天子之耳目宰相何預
焉比年以來宰臣陰肆論薦用非其人習成
朋比專事諂相以為否臺網既失國是為可相
以為否則臺臣以為否臺網既失國是為可相

定官邪何以戢其孰能增重本朝承
府哉恭惟皇帝陛下聰明睿智灼見治體
寬仁勤儉鼎新政機俯念言責久矣親權
豈有先容詔旨下頒朕今親除公正之

士以草前弊而臣不肖承學非以自
為恥以行已之志但有所聞者不敢不告有所
知者不敢不為待罪臺所寔愧空餐顧無勞
效仰奉 詔書思有樸忠以告來者臣
謹拜手稽首 欽佩 訓詞 用傳億世

近以臺官負闕已令御史中丞知雜同罪保舉

竊詳卿等必不已是諱廟選故至今未見奏上須

擇忠純體國之人勿引少年沽激之輩以矯當

世澆浮薄惡之風庶共成篤厚之政速以名聞

右

神宗皇帝詔保舉臺官

神宗皇帝嘗以御史闕負一手詔臺罪

保舉忠純體國之人共成篤厚之政仰見

聖心於耳目之選諱廟重如此今以所獲石本

付三省可令重刊於御史臺朝夕瞻仰警戒

遵奉庶幾上廣 聖意下息澆薄稱 朕意

焉

右

紹興三十年

御札頒降

神宗皇帝詔書御史中丞臣朱倬記神仰惟

皇帝勵精七閩之間制治建官鼎

凡稽古禮文之
豐間益思所以
以為法於後

之訓辭炳若丹青甚盛德也 紹興庚辰元祐初有
旨刻石置之臺院迨紹興庚辰元祐初有
皇帝中興三十有四載駿惠先猷遵制揚
功皇天所以眷祐者時和歲豐民安害息
憂勤之効穆然與祖 宗同符夏四月
皇帝若曰御史耳目之官謹東乃僚聞之
在昔矧今 祖訓具在成憲可鑒乃以所
獲石本重刊於御史臺且以上廣 神祖
之美意而宣昭重光嗚呼大哉加以宸翰
申命告戒奎畫雲章下飾萬物臣不勝大
幸謹拜手稽首跪受而言曰臣聞周頌曰
儀式刑文王之典日靖四方大雅曰儀刑
文王萬邦作孚恭惟 聖德纂承四方既
已日靖萬邦罔不作孚况茲百辟敢不祇
若臣謹虔奉 聖訓不敢失墜惟忠純是
進惟澆薄是去惟沽激是懲以對揚 聖
天子丕顯休命謹鏡諸 琬琰俾億萬斯
年職御史者瞻仰遵奉服之無斁

西序列東都御史名氏歲月曰石柱題名自

咸淳臨安志卷五

三

中興以後則列於東序右諫議大夫陳賈記朝

三院御史皆得論政事糾官邪 元豐 紹聖
著於甲令其用峻故其選精一時列職其間悉
繇必天子親擢 紹興更化中興大明國是耳目所
寄締交合黨之風已而又降 體札書刊 元豐
手詔於臺院蓋欲遵用忠純體國之人以成薦
厚之政先後手書昭若日月龍蛇飛動琬琰光
輝 聖聖相傳 家法不改寔 我宋維持紀
綱之盛事凡職於此者宜有考焉 紹興辛酉
嘗彙集 建炎以後名氏歲有考焉 靖康而上
所載人以官繫閱時深遠兩碑盈溢面背參錯
覽者既病來者復無以容賈以罷誤蒙東 掖
嘗待罪其間院久弊蠹既葺新之於是又與同
列謀易新石更繫以歲後先從其時日使皆同
然無所抵物格于以登載 中興以來風憲得人
之盛以傳不朽顧不足以增重紀綱之地乎
既具屬賈識其顛何敢以翫 散
辭 淳熙十四年九月既望

紹本

御史閣位

廳以內為兩監察位又內為殿中位為會茶堂
又內為中丞侍御史位

臺獄

門扁曰四推臺一推 殿一推 臺二推 獄久廢惟廳獨

存蓋自中興未嘗置對有屬臺官讞問者則
刑察就聽于大理之獄

諫院

在後省之西先是 紹興元年右司諫方孟卿言諫

朝廷政令所自出 蹕祖安於都堂相近置局

成淳臨安志卷五

有紹興二十五年

御札石刻同御右正言臣張修謹記帝仰惟皇

縱上聖續承 大寶肇開 中興坐臻 極治萬億

世無疆之休度 越乎唐虞 三代之盛 際矣尚留神

臺諫風憲之地 斷自宸衷 親除公正之士 以充

其選 大革朋附之弊 仍誠誥繼自今 以後士之膺

斯任者 宜盡心迺職 惟結材質 庸陋誤被 聖詔加

惠臣工 德至渥也 顧臣材質 庸陋誤被 聖詔加

足以前當 聖公正之選 以仰承 聖主惟知 罄竭愚忠 上副

親逢 當公時 遭選 以仰承 聖主惟知 罄竭愚忠 上副

眷知茲 臣區區之 本心也 如朋附之人 臣實耻之

宋本影鈔 原刻本 卷五 終

聽事列諫官題名右諫議大夫丞記古者天子

七人雖未以名官然亦尚矣秦漢以來始置諫大夫無常負大抵多至數十人秩纔比八百石蓋其

負多則其選輕也厥後或置或不逮唐設六典職始專而任因重焉由諫議大夫而上有散騎常侍

為之率其下有補闕拾遺皆為定負而分左右屬門下右屬中書均尸言責也我朝因之左右

熙中詔更遺補為司諫正言載新厥名以示勸獎自是言責之官愈重矣主上中興綜核名實

大正風憲惟是耳目之司尤加謹擇爰自建炎初載迄于今歷諫省者纔三十人弗備官實重其

選也先是院吏苟簡以幅紙標名氏于壁間久之遷次日月漫不可考頽惟猥承人之夙夜惕懼未

知報稱且不能掇拾前迹以謹官守而重國是命工鐫石寘之廳事前姑以示來者實有愧焉

云爾若夫居官自紹興十九年夏四月非
右諫議

大夫謝諤續記
諫院舊有題名以諫議司諫正言

亦考究官名為詳比者臣僚言諫爭之官尚有闕負居其官者往往分行御史之事至於箴規闕失

寂無聞焉願倣唐舊制置補闕拾遺左右各一負於

及之受新除之命竊惟從諫帝王之大烈而導人使諫者尤為盛德之事蓋於舉意之頃可以概見

先所除或一負或二負司諫正言分左右為八負承

寬洪畫下和顏聽納凡有進諫雖至剴切亦不必拒增置之請欣然從者所以表不如是不足以

為兼聽畫天下之美於是相與更立石繇初而起並用紀年之法觀此則可以考導人使諫之盛德

尤在於今日淳熙十五年六月

三省樞密院南
論思獻納之堂
後有望江亭在山

六部

在天官廳後

吏部

尚書廳居中侍左侍郎廳在前之右西出第一第二位侍郎韓元吉記長貳題名大理正虞似

良書并篆蓋

尚書漢官也侍郎秦官也漢置尚書但五曹爾而踵秦之舊侍郎未有職

僅比四百石也尚書以爲長侍郎以爲貳冠以六部倣周六卿之職而首以吏部者隋與唐制也凡天下之官總於吏部其上者尚書獨主之無文武之別焉其次別以文武侍郎分主之而爲左右選者吾宋之制也惟吏部繇魏晉而降分職甚重得以甄叙人物進退羣吏至唐猶以宰相或兼之國朝於是率有成法曰選與注爲之長貳者第謹視而司焉然豈非其人也擇而付之禮貌尊寵長於六官雖其職稍異於古其重則猶古也今年春吳興李公拜吏部尚書乃嘆曰法固常有典常也而

咸淳臨安志卷五

六

法有所未明事有所未盡不在變而通之乎由是詳任子之七色者而予敘之草薦舉之敘數者而防範之請京秩之官通注縣令以必試於民條具目張罔不順治既數月矣聽事故有題名碑石久闕不志公將確而刻焉元吉幸爲之貳也因俾叙其然者夫董正治官先王之訓也蓋官治則事治朝廷治則天下治矣今茲職以治官者也以其治官者治己推而至於治天下亦是以道焉如權之不願於此輕重其惟無私乎吾之屬任此者也後之人求於此者也其私也私乎懼其無私也可慕焉在其歲月也夫惟考其歲月而視其人乾道九年八月者說而懼者勸焉不可以不書

一 郎官位次列于侍郎廳之後起居舍人詹儀之

記題名

郎官分曹治庶事以佐其長而吏部居六曹之首掌銓選封勳考課之政令蓋周制

天官之屬也秦漢而下因革不同至光武時始改

常侍曹爲吏部曹國朝因唐制以文武分左右

銓曰尚左尚右侍左侍右司封司勳考功凡七司郎中負外郎分治之異時妙簡尚書郎多採時望

黜陟予奪參以議公不專任法故事治而職舉令
天子總核名實尤遴其選非嘗更治郡者不除
目下必俟奏對稱旨乃得視事其所以擢任之
意甚厚居是官者可不思有以稱其明詔乎夫銓
曹人才通塞所繫而法今織悉雖老吏有不能盡
曉士大夫一旦從事於其間亦可謂難矣雖然法
所以布大信固不可不守而事之可否則有存
焉行之用今之法申古之義使所居官大斯之謂
稱職可不勉哉郎官聽舊闕題名隆興為始第其
牘散逸名氏歲月漫不可攷自予嘗聯事請記
其首固辭不獲乃為之書庶幾它日有所
攷評云淳熙八年冬十有一月長至日

戶部

長貳廳在天官廳前之左西出第一位有

高宗皇帝頒降鑄錢式 御札曰大小錢樣付卿

咸淳臨安志卷五

七

烏背者製作頗精與開元 崇寧所鑄相似然恐

費工難辦素背者似可作式樣仰更看詳權侍郎

林覺記曰 臣覺猥以駕下待罪版曹 紹興丁丑

利貿易流通民賴而用近年鼓鑄稍闕乞將饒贛
韶三州錢監院各選官備料措置鑄發而
高表明愛民尤篤先嘗製造宸翰宣示於臣子意向
之表臣奏事既退伏蒙 宸翰宣示於臣子意向
兩等其文勁邁鐘王之筆迹肉好周郭備極精微臣
字勢雄觀光開心目成器以爲天下利莫大乎聖
也又曰備物致用心立成器以爲天下利莫大乎聖
人仰惟 陛下勵精庶政以求民瘼躬儉節用示
天下先而乃坵冶錢寶使貿遷交易以濟民用所
以 廟寔惠者廣矣大矣昔漢議錢政更革不常而
卒莫得其要領唐開元通寶其字歐陽詢書猶爲
當時所稱豈如 聖神規畫盡善親以翰墨作
新斯製廣布寰宇動流億年俾生民寶之永以爲

重所錫 聖訓 奎文 炳煥 臣紹興二十七年七

月 負外郎邊知白記題名 地官獨稱民部蓋於民

為最親 獻其數於王 則登于天府 有負版者而聖

人式之 顧不已 重乎 主上 濟艱難 之運成 恢復

必功立 政立事 疊疊成 周之世 矣大抵 為民擇 官

虛而復 寔粵自 建炎以 迄于今 膺常伯 貳卿之

任者率 能丕應 後志以 不失其 職而侍 郎王公 實

繼之或 謂宜列 名于石 以彰不 朽愚曰 治寺之 有

題名古 今所同 也版曹 舊記雖 不朽復 存而叙 郎官位

而刻諸 堅珉 紹興十 五年九 月望日 叙郎官 位

次列于 後諸部 郎官並 金部負 外郎施 温舒記 題

名國家 分置六 部各統 其屬屬 之所治 各有攸 司

餽給賜 若貨財 出內若 倉廩委 積雖各 掌其一 而

書判之 兄會計 之勞符 檄之多 憂責略 等也中

禮部

興以來 五十年 間凡同 舍郎更 代之姓 名遷授 之

歲月漫 不可攷 淳熙五 年今樞 密同知 謝公為

左曹得 二石為 題名未 就而遣 御史既 登西府 諉

同舍曰 事求全 則難成 從簡則 易就 繇紹 興至

隆興遠 矣典籍 雖存非 一朝所 能討訂 也姑舉 闕

典豈若 首隆興 之元而 序次之 其所未 備則後 之博雅 君子考 諸國史 而詳焉 必有任 其責者 同舍皆 曰然於 是乎刻 之而淳 熙八年 十二月 旦

長貳廳在戶部廳東負外郎洪邁記題名

起丁未建

至今三 十四年 凡禮部 侍郎尚 書名氏 可見者 母

慮五十 有八人 其在事 歲月若 除舊拜 新雜出 於

掌故省 憶或脫 不具然 大略在 是矣自 元豐定 官制歸 天下萬 務於文 昌公曹 賦職頗 采周官

唐六典 尚書品 第二侍 郎品第 三皆法 從屬車 間

朝廷所 以尊榮 之甚寵 繇是得 政者鴈 行立然 要

為具負 吏朝日 而出坐 曹弊治 不過操 牘視成 振

之以章 程枉之 以挈思 慮索於 几按此 其執不

宋本影刻

能施官之一守獨宗伯不其然間卒時繩墨要會疑

慶賀與詞不占措乃雍容風議斟酌固實板之古可

閱筆詞不占措乃雍容風議斟酌固實板之古可

驗揆之今可行者緊吾^{御舊}為之非特規規守成法

視故府鍾鼓玉帛周章有司之後而已則規守成法

以是進正用第一一人亦其理宜中興之宰十四而

吳興公^令相國縉雲公^礪宜陽公^清河公^江寧公

斗淵耀^下飾燧然一時固宜登載表^裸使^後之君

子有^所瞻仰^紹新安^金公^廼命^郎吏^謹其^年又^記郎

次書^諸石^仰紹^興安^金公^廼命^郎吏^謹其^年又^記郎

官題名日鈞之為中郎然二^十四^司冷^熱劇^易不得^同

主客合於禮部號為兩曹而所掌猶不過^牋削^印

瑞郊廟禮文與士子科舉事日所程判其多不能

以百天明省門開繇大丞相以下畢入聽治吾同

舍郎南典選北理財文書鱗午吏四繞不少置獨

儀曹之廷可設翳罔子方理蠹簡呻佔畢作書生

事業倦則偃一榻上遲食時矍起摩睡眼以出卒

食舒舒而行伺丞相上馬已即去至無毫毛可用

為勤以白長官者其官同祿之入又同而佚勞相

絕顧如此顏之不厚難矣哉廳壁當有記以謹歲

月識心氏今亡有也問諸掌固掌固不知蓋其官

訪老吏緩間與緩相遭苟且頹靡非一日實然予

史黃疇若作續記

建炎元祀六月至開禧三年四月由祖秀實而

戴司業溪廼伐石以續而題其^春官^之端^屬余^記歲

月于上惟禮部有儀曹郎蓋古^春官^之端^屬余^記歲

唐多選名士典領雖不治文書比^它曹^為間^暇然

極其至要則協禮樂以贊宗伯治神人^以和^上下

至錫輩乃稱其間者亦必廉悍俊拔^如柳^宗元^劉

財甲乙論刑之為易耳故廣前誌之未盡冀方

辰江臨安志卷五

九

顧不偉歟毋徒楷睡曉曰丞相上馬
去吾事畢矣開禧丁卯九月丙戌

兵部

長貳廳在禮部之東侍郎周必大記題名大小司

周官歷代沿革兵可考也本朝倣唐六典曰兵部
凡民兵廂軍蕃兵剽負武舉投試武藝金吾街司
人兵及大將出征告廟破賊露布鹵簿字圖若蕃
夷屬戶授官封之事皆主之曰職方凡天下地圖
城隍堡寨烽候之數蕃夷歸明內附之事皆主之
曰駕部掌凡輦輅車乘廐牧雜蓄乘具傳驛之政
令辨其出入之數及凡庫部掌凡軍器儀仗鹵簿法
式隨軍防城什物及凡供帳之事是為四司而其
主判率用他官所謂長貳姑以寄祿而已尚書今
銀青光祿大夫也侍郎今正議大夫也位序既高
非宰執侍從鮮能至故方任事時自揚乃職有如
歸班猶弗敢替盡規之義名公鉅卿磊落相望抑
有由也元豐肇新官制尚書從二品侍郎從三
品實坐曹治事名稍正矣而武選隸天官兵政歸

咸淳臨安志卷五

十

西府其職視唐猶簡况於成周乎雖然古號六卿
今日近臣使其告猷可以沃周上心陳力可以大
厥官則天下國家將成陰受其賜烏在事之繁簡也
若乃自畫於有司視成於胥史縱法不爾繩課不
爾殿得無恧乎必大五年之間兩以他官承攝惟
亞去秋遂冒真秩息厚而能薄身勤而才不逮風
夜以思何恧如之暇日視別部率有壁記紀前人
名氏乃起中興之元遠今五十年得長貳百八人
而兼行其事者在焉始置權侍郎從四品明年置
是矣按元祐二年始置權侍郎從四品明年置
權尚書正三品崇寧改元遵元豐之舊而建
炎四年復權侍郎紹興八年又復權尚書而
建炎三年嘗詔六曹惟吏部備官餘長貳互置
近歲以來乃或並除損益時也何常之有故具列
于上俾來者得考觀焉又記郎官題名
淳熙三年十一月十日又記郎官題名
也其要有三館閣一也寺監丞二也監司郡守三
也近歲室其二卿監或可徑至而郎非歷監司郡
守不可得其不輕而重也較然矣司馬列屬四
中興初僅嘗備官而建炎三年夏始以駕兼庫以

兵兼職方其選清故平居無事多處文學之臣其
權重故從軍若將命則往往假以為寵此其大略
也隆興改元之五月復裁內外官於是駕部又
當省而郎適贊讀王府有詔聽留需其遷勿補
厥後間嘗竝置要為有故而一負之制定矣必大
既與聞夏官之政迺刻長貳題名會同舍郎亦告
石具以辭見屬老矣不文咕畢莫能措姑效掌故
彙前人名氏且粗記其因革云
淳熙三年十二月十日

刑部

長貳廳在侍右之東權侍郎齊慶曾記題名

分設官

以司臬事其來尚矣自少昊立爽鳩氏至唐虞為
士成周為司寇歷兩漢宋魏隋唐更置紛紛靡有
定名要皆以其職掌邦禁選任為重國朝倣周
舊制分命六卿而秋官司寇之職是為刑部凡邦
典之重輕若民訟之疑貳必讞覆訂正契于三尺
然後書而登于天府達于四方一或不得其平則

咸淳臨安志卷五

十一

為民患事體所繫信不輕矣親擢於是選也尤切注
官擇人左右侍從無非親擢於是選也尤切注
意故自臨御以來凡被擢任而居此官者率多
一時名流用能推廣好生之德使刑清民服駸駸
隆古之盛歲在戊戌偶承乏命慶曾以儀曹
之貳兼董其事顧惟不才雖不足以仰副委任之
意然奉公行法夙夜敢懈至念廳事題名獨後諸
部允謂闕文迺自夜建炎至今追訪銓次得數十
公勒諸堅珉以垂永久庶使貴名暴白賞世觀者
可以想像其聲烈云
淳熙六年六月二十三日

日檢詳尤袤記郎官題名

章程天下獄訟之成律令

刑部其輕重出入之際人之死生繫焉責任為不
輕矣唐制刑部郎分四司曰刑部曰都官曰比部
曰司門本朝因之然止以審刑院別命朝官一負
四方以具獄來上則讞於審刑院別命朝官一負
判院事至于元豐始以審刑部始得專其官制行二
十四司各正其職於是刑部始得專其官制行二
重中興以來遵承不改聖天子哀矜庶獄郎
官必採時望非明習法令更治民者弗除所以選

其

宋本影鈔

任之意甚厚士之不當是選者可不思所以稱明指
哉夫法者一成而不可變者也民僞日滋法不能
勝竒請佗比紛然雜陳于前居其任者苟非明有
以察之仁有以守之公有以行之則姦吏並非緣舞
文巧詆人受其害故居官稱職每難其人而在上
者尤以擇賢任職為意歲月既久除授不一前
名氏漫不可攷淳熙十一年陳公倚錢公沖之
之為是官也慨然興歎謀欲序次而書之石會錢
公移漕畿甸廼伐石庀工祝陳公緒成之繇紹
興末得七十人屬表記其事且曰視其名而考其
斯者有則其人之功行善最皆可枚數庶後之居於
部之有題名自二
公始云九月望

工部

長貳廳在兵部之東侍郎李昌圖記題名

官居題名其來

舊矣中興起部長貳獨未有載昌圖使蜀召還
繇外府掌貳事會稽王公佐實為之長暇日屬昌

咸淳臨安志卷五

十一

圖銓次前人名氏以補其闕而冬官故籍漫不可
攷廼博采它所記錄參訂歲月起建炎丁未迄
淳熙癸卯得九十人則又屬昌圖識于上方弗獲
辭乃告于公曰題名之設懼歲月久而難稽也今
登載昭揭俾異時覽者指其為賢其為否則人知
公論可畏而砥礪名節求與此石為不朽是不為
亡補公曰然乃識之
淳熙十年四月望日

中書舍人高文虎記郎官題

名承高宗受命廣延材峻輯國治功歷司庶府咸復
皇至于今上蓋六七十年矣維持憑藉又當傳
之無窮官以人脩績因謀建化成黻黼政如玉金
炳炳麟麟靡不雲舉中釐六部統二姓四曹禁索
蟬聯省闡星煥盛一時人物之選書姓氏志歲月
將以攷聖朝登用之勅獨起部郎壁記迄今闕
然同庚辰進士莫君若晦學行有聲又以郡治最
擢在茲選乃集前所居者悉彙次焉與諸曹並本
部尚書錢公象祖侍郎趙公師霁嘉君之志而侍
郎方兼領天府又為植珉撰直以成之昔黃香熟
臺閣之舊崔琳閑朝廷之儀皆足以誦訂闕遺昭

垂憲躅推而上之斷國論謀王體可也故周官之訓以典常而作師大雅之詩幸典刑之尚有然則自古建事立業貽法後世未有無所稽據而可以率意因陋為之輒誦所聞敢告來者慶元四年七月十二日

六部監門

在六部大門內之左

紹興二年置刑工部架閣

袁說友記題名

共乾道平登號之七年厥既庶職咸理

詔百執事卯而入畫未而退小大之吏罔不惟上訓是迪無或敢有佚豫而六部寔天下政事之樞綱也凡部官卯未之出入故奉病之暫告與其它攸司之可否悉聞諸部門是而愈重矣方是時奉行稽訪門之司存蓋至是而愈重矣方是時奉行曹之命以正胥史之失贊長貳竟懲決以遵張官之意抑猶其細事也南陽韓君子厚甚粹而度來

咸淳臨安志卷五

十三

居是官始至適遇勤政之詔則遂環顧其職以謂舉天下之政事悉囿諸六曹職有弛張事之廢與基焉今隸職於中者操筆疾書略不暇其出入而司下直而門官者黨不能先時而後羣有聽其命是亡具也則盡棄去一切恪敬厥事復掇其餘力取前任人名氏自董將而下皆書石而鑿盜而為門者而春秋要毋忽其小者爾昔鄭子厚聞畫力門職於古亡愧又補苴罅漏不數於其小者題名蓋其一也斯反顧天下事奚難哉官建於紹興之二年法以陞朝有才力者廼在選而班祿眠寺監丞其自是為丞郎者凡十有五入焉君子謂是官也為要職二月乾道八年秘書郎陸垓續記

部門有官中與初制也凡天下之事隸于部其細要有六其司存二十有四其間劇易不同皆足

以展四體司鑰者止幾其出入奉列曹之命惟謹夜漏未盡僕趨局不敢後長貳未退則屏息以

俟率是為常雖欲求以自儲才不可得然則是官豈徒設哉為國家官人以求才自儲才不可得然則是官豈

用閣於二部者有二焉。雖殊職間無事，則相官似大抵不以爲才。得倅黃岡，忽有嘉禾蔡君開以邑最稱特獎之。益信其選爲不輕，甫涖事，按求題名之舊歲久負溢書止於王麟，缺而不紀，向之踵是而得麾節者適致餐錢，乃勒堅珉彙次官氏自傳誠以跡其實顯其歲月俾來者相繼登載，若乃因名以誠，以下各謹晦升之沉未容緊論，而其卓然著見者亦得以託不朽。後之覽者思其所可繼，省其所不逮，俛焉日矜所事姑賦爲進步之階，必使所居官繇是大焉斯以可爲觀美。指目視是，否凜然豈苟。

六部架閣

在天水院橋。紹興三年置庫，十五年復置官。四人又治其棟宇而新之，禮兵主管周紫芝爲記。朝

咸淳臨安志卷五

十四

設官以主吏曹之牘，舊矣。後廢而不置者幾二十年，常以司門之官兼掌其事。往往書無机閣，戶無緘，滕甚者委而投諸地，其積如山。歲久輒蠹腐，缺落漫漶，而不可考。官索故牘，則六曹吏自入取，莫能誰何。出納之籍，姑以爲言。於是詔復舊官如朝廷知之，會上章者，以爲言。於是詔復舊官如故吏部之有兩銓，所以升黜百吏，司徒掌輿地，罔以稽戶口之登耗，均賦入之多寡，其牘號爲最繁。故部以一曹所主之，餘不能如二部之損益者，當如是也。初架閣有屋數十楹，皆上依山阜，下即湫隘，而爲之所，久乃弊壞，弗枝又其文字之積，至於充溢棟宇，而不能受其藏。人皆患之，吏部主管文字右迪功郎彭始始與周紫芝工刑部右迪功郎艾若訥禮兵部右迪功郎周紫芝工刑部右迪功郎艾若訥禮其事以有請於尚書六曹之長，欲治其壞而增新之。且爲架閣廳事，以處其吏使，不得雜齒於部曹。有五年秋九月，有旨命兩浙轉運司使爲之。越

明年秋八月始告成初架閣移文止用公牒而銜
附以名使者怒其禮輕乃大沮其事有請皆不報
故其成甚緩而略且不如其乞也朝廷自罷兵
息戰以來凡祖且宗大典禮有廢而未修者一
功蒐講靡有闕遺至於百官有司莫不具舉下至
架閣之職亦修其廢官而復其舊制駸駸乎其嚮
於太平矣况創復之初首被推擇非特目見耳聞
而身親其事固已幸矣其可不書以告後人乎

嘉定中增庫為百有十楹太學正李大異記題名

皇朝肇建中臺分六官而設之屬文書之夥月益
歲滋枋在胥手並緣姦蠹識者病之崇寧間何
公執中為吏部侍郎始建議置吏部架閣官於是
挿架萬數揭而目之前最後凡一索而獲人以爲
便後諸曹皆置官如吏部之制未幾悉省之迄
宣和再置再省紹興三年立六部架閣庫十
有欵刻以識前後居官者茲獨因仍闕而未著
紹熙二年主管官王君次春陳君邕雷君孝友相
與哀集題名三月題名成屬大異為之記大異竊

咸淳臨安志卷五

十五

惟古昔以來圖籍為重是官之建寔謹其藏其任
似周司書其選似漢掌故可以攷閱故新尋緒本
元所謂若緩而急者嘗試以舊章叅之今日雖或
稍異而其歸則同舊制官庀其司置於六部之內
迨遇其廢則以郎官兼之否則以監六部門兼之
一也舊制金耀門下文書庫多藏三司帳籍三司今
版曹也自銓曹而下儲藏帳籍之所未之詳焉其
後置六部架閣庫大抵成案留部二年然後畀而
藏之又八年則委之金耀今金耀無復曩日則悉
藏於架閣庫二也二者不同而至於諸曹二十四
司之文書盡歸以待有用則今猶昔也夫豈特文
書為然惟官亦然然故其職閒無事視他司為最自
公退食得以挾冊讀書充其素業疇昔著定有缺
多於此焉取之朝庭之於士可謂無負矣雖然
凡士之處於世道積厥躬德足乎已者皆儲蓄之
義也知此則無負於朝廷矣大異虛薄不足算
雖嘗居是官而於此則有愧焉而復言之蓋
自知其不能而將以懋夫不能者也題名之作所以
書名氏紀歲月其有軼而不能攷者姑俟後之人

續誌之惟書建官之本戶部架閣陳晦續記今尚
意以命鐫者四月戊子其漢掌故之遺乎漢掌故主
曹有文書几閣之官若不相似然足殆類強名者
故事今所掌直吏牘若不相似然足殆類強名者
雖然列屬文昌臺而顯設其局凡圖籍文案之藏
咸在其事嚴旦朝入所治同僚相與言不過論文
字抵掌劇談卒食數刻而退其職清職事官有闕
負間於此焉取之日又有詔非科目及人材卓
異與縣令之著績弗授其選重事之嚴職之清選
又益重然則官雖視漢掌故小異而所以待是官漢
之意何遽不若漢前刻登載凡百有十六人為相
若執政者三人為法從者加多焉接武鸛鸞駸駸
鄉用方興未艾又不可踰度也晦以不肖得備負
幸既識名氏屬同僚至而石已徧廼確它石以識
謂晦實前記之餘書後記之初為宜辭不獲亦喜
賤名氏列兩記間也敬叙梗槩若置官之詳有前
記在故不著慶
元戊午五月既望

咸淳臨安志卷之五

煥同校

咸淳臨安志卷之六

行在所錄

諸寺

太常寺

在羅漢洞 建炎三年四月以軍興省併諸寺監

惟太常如故 隆興元年詔以光祿寺歸焉

寅清堂

在大廳後 嘉定中建少卿黃鈞記題名廣漢

張棡書

奉常聽壁無記昔者伐石東前人民名矣又弗克就嗚呼天下之事果不可為

與何言之易易而成之難也小事且不能遂况禮樂乎舜之官百咨而命之者二十二人而止

咸淳臨安志卷六

爾禮以命伯夷樂以命夔禮樂之用參天地和神人非一官所能備也今顧以奉常一官主之夫豈知於伯夷而賢於夔哉古之君子節文乎禮樂之實後世一於其文以儀為禮以器為樂其於聖賢之道遠矣惟儀與器又皆因陋就寡寔非六經之故然則中和之教與良心之固有者皆廢壞而不復興今而後可知天下之事之難也舍其難而圖其易壁記猶可為也記始建炎之元沈于今官于寺者一百五十年四月成又書其上方以自儆云 乾道七年四月記

昭勲崇德閣

寶慶元年八月建自趙韓王普至葛文定公邨

合文武勲臣二十有三人繪像其中

理宗皇帝御書扁命翰林學士臣鄭清之為記

紹定元年十一月癸巳 制詔翰林學士臣鄭清之以昭勲崇德閣成宜書其事于石臣恭惟

皇帝陛下誕膺駿命憲章鴻烈翼翼兢兢思懋
厥紹粵嗣位之元顧二三大臣曰洪惟前
寧人貽則垂裕規閔矩脩子曷敢不迪有未
者其議來上亟緒成之既而太常禮官舉嘉
定表章勲臣之首以聞又我宗社丕續光于文
汝為世臣協心同德保乂我宗社丕續光于文
人其輔朕祗適先志亦寵嘉之於前朝股肱之美
以詔不朽維爾先正亦寵嘉之於前朝股肱之美
相臣彌遠奉俞咨閱故府允以功宗作元祀自
韓忠獻王趙普至邨文定公葛邨合文武二十
有三八人爰即頌臺建傑閣肖像登繪洎寶慶
二禩八月告成賜名昭勲宗德之閣親灑
宸奎揭以珍扁八法瑞麗雲漢昭回煌煌乎
述之鉅典激勸之曠儀弗可尚也臣幸以
末學待罪北門鋪自古先民遭時顯命職也敢拜
手稽首而言曰自古先民遭時顯命職也敢拜
德其功實難唐虞揖遜恭已致平誰與贊襄
夔稷契商周繼世創業守文誰欵佐伊傅周
召義弁端鼓雍容治朝而奮庸紀績彪炳典語
皆薦實之光發於事業降及漢唐依乘風雲之

咸淳臨安志卷六

士彈智畢勇以功著見固不乏人然書盟勒藉
或隳厥終勲德之難并若此惟深純博大之器
而濟之雄剛應變之畧卓犖竒偉之姿而居以
忠實匪懈之志靜以蓄德而動則為功人材渾
成體周而用廣迨唐虞灑商周跨漢軼唐者惟
我朝為然竊觀五代之季疆宇扈裂人物窳陋
太祖皇帝更造人極洒濯多士烝髦後雷奮
雲合豐芑涵濡燕及累世聖作明述垂三
百年造區夏登太平恢中興代有顯庸流芳無
極雖祖宗禮隆恩厚負異前代而諸臣之
所自致有不徒以功名稱者論相業則培立國
之仁語將略則本止戈之武固人心於綴旒維
帝業於帶礪宏度淵識莫可涯溪至若擁立
元嗣坐鎮危疑以措天下泰山之安輔成潛德
決定大計以續聖抑韜晦身名俱榮非德之
月功塞宇宙而謙抑韜晦身名俱榮非德之
者勲必全歟緊昔褒功之典法形貌書官爵氏
名攷其顛末事多遺恨猶以憑藉寵靈風示民
宇矧如今日丕視功載扈臣碩輔忠烈純白卓
然為世標表尊宗昭顯輪奐翼如丹青炳如與

國之禮樂憲度相為無窮凡爾臣工領瞻遐想
欽乃攸則思紹阿衡之美式周公之訓以長我
王家茲惟休哉臣既叙其梗槩作而歎曰大哉
列聖之澤乎而寧宗發之懿哉而歎曰大哉
乎而陛下成之誕敷隆指兼舉勲德以章
既往而厲方來朕麒麟凌煙之繪溟滓然弟之
矣詩不云乎維其有之是以
似之於千萬年永永無斁

端平 年以趙

福王汝愚配饗

寧廟遂併圖于閣

忠獻趙韓王 普

武惠曹周王 彬

文惠薛太師 居正

元懿石太師 熙載

武惠潘鄭王 美

文靖李太師 沆

文正王魏公 旦

忠武李太師 繼隆

咸淳臨安志卷六

三

文正王沂公 曾

文靖呂許公 夷簡

武穆曹侍中 瑋

忠獻韓魏王 琦

宣靖曾魯公 公亮

文靖富魏公 弼

文正司馬溫公 光

文定韓魏公 忠彥

忠穆呂秦公 頤浩

忠簡趙太傅 鼎

忠武韓蘄王 世忠

忠烈張循王 俊

文正陳魯公 康伯

忠定史越王 浩

文定葛少師 邨

忠定趙福王 汝愚

觀音泉 舊志名 汲古泉

在閣之西有小石識云

此泉清甘雖旱不竭故老相傳以為此法惠院

舊井飲之有疾者愈宜愛護
之嘉泰改元不石可識姓名立石

寶庫

在東廡藏祭器樂器

水閣

在後圃臨河 景定五年重建

玉牒所宗正寺

在太廟南先是 建炎間以太常少卿兼領寺事

紹興三年復置少卿以范冲為之五年用冲請復

置丞十二年 玉牒始建局 詔以宰臣一員提

舉從官一員兼修宗正卿少以下悉預修纂又有

咸淳臨安志卷六

檢討官亦以它官兼厥後修書官檢討官或置或

否二十年用檢討官王曦請 詔臨安守臣宋貺

度地於舊車輅院創 玉牒所及宗正寺 乾道

三年寺簿劉季裴記題名 宗正有官古也由漢唐

寺以殿其領職以大臣此非為寺設也為玉牒

也故寺事無鉅細皆屬之宗正而國書之藏獨別

而為玉牒所示不敢輕如此玉牒修書始於

大中祥符六年而尤備於政和五年凡再進書其

典章文物雖三代不能過於序盛矣哉今所存者

猶可詳其大槩也提舉一人或二人必宰相若執

政為之宰執有軍國之務率不過月一至焉故必

擇近臣一人為修書官又許擇檢討官以它局兼

或置或否寺有鄉秩正四品卿有少秩五品卿之

屬有丞簿凡此專為寺也而纂修皆預焉大抵均

地乃從今處

雲章亭

在中門列

累朝詔勅石刻

各有卿少等
恭跋不具錄

高宗皇帝

戒飭詔一

廷尉為天下平而年來法寺惟事旬白探大
臣旨意輕重其罪致民無所措手足玩文弄
法莫此為甚比恐尚爾任情亟罷舊吏所冀
端方之士詳覈審覆一切以法而不以心俾

咸淳臨安志卷六

六

無冤濫副

朕丁寧之諭

紹興二十五年十一月

獎諭獄空勅書六

朕欽恤庶獄明

廟諱

用刑爰

詔有司俾無留

訟汝能體

朕好生之德舉行寬大之書狴

犴空虛桁楊棲置實為稱職良用歎嘉

紹興六年

六月
己亥

朕觀前世詔獄所在者多矣故吏皆觀望寬

濫甚眾

朕自即位以來凡獄一付之廷尉

蓋廷尉天下之平也汝等折獄惟良至無留

繫非為職事之修乎興言嘉歎不忘于懷

紹興

十三年六月丙午

朕推好生之德以動四方擇明刑之官以弼五教欲如君子之不留獄以見天下之無冤民比檻奏陳謂清頌繫廣我寬仁之化賴而欽敏之才可謂圜空之隆庶幾刑措不用興言嘉歎終日以之

紹興二十二年四月辛卯

蓋聞成康之時刑罰不式圜屢空朕甚慕之今朕勵精庶政和廟諱祥刑四方以獄來上理官率屬參決其平奏讞既公庭無留訟雖未方古其於欽恤之意庶幾焉非卿等

咸淳臨安志卷六

七

服勤厥職各盡乃心議者詳明斷者平允亦

何以臻此省閱之餘良深嘉尚

紹興二十六年四月己丑

書曰刑期于無刑語曰必也使無訟乎夫聖人不貴去刑而貴無刑不貴止訟而貴無訟何哉誠使用刑而期於無刑聽訟而必於無訟者真帝王之極摯也朕三復斯言夙興夜寐未嘗不以勿誤庶獄為心又况廷尉持天下之平司生人之命乎汝等為朕折獄庭無留繫雖由曠蕩之更新寔賴明允之叶力剡章來上嘉歎不忘

紹興二十八年十月癸丑

古者畫衣冠異章服而民不犯中世以還周云成康漢言文景刑措不用朕甚慕之夫勝殘去殺者善人之為邦明廟諱用刑不留獄者旅之正吉也卿等司吾詳刑各修乃職靡淹恤稽留之咎守要囚服念之程謹三尺之章致無一人之獄顧視古昔亦庶幾矣劄章來上良用歎嘉紹興三十年四月丙寅

孝宗皇帝

獎諭獄空勅書十

朕惟國朝之典尤詳一夫之讞度越漢唐

咸淳臨安志卷六

惟時有虞播刑之迪不其休哉惟其致祥則夫連逮左驗以曲盡聽訊弊議之意每不得暇也卿等典獄天府非訖于威用佐朕惟明明德通敏所致不忘嘉尚夫古之職于廷尉者率以陰德延其慶非一切傳于輕而已迺罔不在中正茲其絕地天通之道尚監于成憲圖惟厥終隆興元年十二月朕哀矜庶民不若于訓以速戾于厥躬既抵岸獄或久繫不決肆御便殿用丕蔽于要囚爾典時獄事克欽承于朕志明聽兩辭

惟察惟法俾四方之多罪罔有留獄升聞

朕聽 朕惟寵嘉之嗚呼用刑斯無難惟措刑而不用是惟艱哉爾弼 朕教尚忱念于

茲

乾道四年七月

昔在 元豐以百司凡有收劾萃于開封猥并牽束事久不決或至閱歲乃酌唐制置大理獄德意甚厚然而繁簡淹速亦惟有司之牧夫如何卿等惟察惟法亟問亟蔽伸理宛結剗遣逋滯至於析楊微繆棲置弗用此蓋神宗設官分職所望於羣下之意書曰欽哉

咸淳臨安志卷六

九

欽哉惟刑之恤哉益單乃心以永終譽

乾道五年

六月己丑

朕惟漢之文帝以德化民唐之太宗寬仁爲治斷獄之數天下用希於乎善哉 朕甚慕焉卿等持法詳平旣心乃事廷尉之獄弊斷亡留足以副予欽恤之意者也甫披來上嘉

歎不忘

乾道八年九月丁丑

朕惟元元之民愚而抵罪無繇自新吏或以苛刻爲明析律貳端以傳致於法厥或縱失有罪 朕甚不取故獄疑者讞有司有司所

不能決廷尉屬得參聽焉卿等以文母害夙
被推擇蔽罪折獄罔不迪刑之中迄轉婁空
克丕承于 朕志書不云虐好生之德洽于
民心茲用不犯于有司予惟汝嘉汝尚祇率

厥典

淳熙改元
四月癸亥

朕聞夫吏之不良政之不平民不見德而陷
於有罪議獄者又失咸庶中正之誼故欲出
則從輕比欲入則傳深文安得囹圄婁空如
成康時乎爰命理官詳讞來上而其朞月之內
蔽斷亡留非汝等克盡乃心之效歟書曰士

咸淳臨安志卷六

十

制百姓于刑之中以教祇德予惟爾嘉之

淳熙

二年六月
辛未

蓋聞刑當期於無刑訟必使之無訟好生洽
德茲不犯于有司克俊宅心罔攸兼于庶獄
古能臻此 朕實慕之每開三匝祝網之仁
常軫一夫向隅之念嘉汝士師之職舉俾予
廷尉之罔空諒深體於哀矜亦咸幾於中正
閱章于再稱美不忘

淳熙二年
十二月

朕惟獄重事也吏或奉吾法不虔寬者或至
蔓延而縱弛急者或至鍛鍊而周内則民將

不得其平而獄將日益滋矣刑烏能清今吾
廷尉實典治中都臬事天下之獄莫繁於斯
乃能讞奏論決不縱不苛而囹圄告空焉非
體吾好生之德刑期于無刑能若是哉方春
始和萬物發生蓋省刑罰布寬大之日汝等
以是來上是誠可嘉也矣淳熙四年正月
朕念時方瘴暑愚民無知或麗于辟前詔四
方司政典獄分部而平反之茲閏月甲午復
御便殿親理囚繫庶幾好生之德洽於中外
汝等列職廷尉見謂吉人惟明克允夙致其
力刑清之效遂著于今 朕既汝嘉勿勞賀

也

淳熙五年閏六月

四方典政實繫廷尉之持平三宅立民所貴
有司之不犯時爾理曹之審克致予天圉之
空虛攬需奏之載陳激深衷而婁歎俾天下
無一人之獄 朕有志於斯時制士官于百
姓之中汝益單於明聽肆申 褒訓用寵乃

僚

淳熙十二年十二月

光宗皇帝

獎諭獄空勅書一

朕哀矜于刑惟恐一夫或麗于非辜凡四方
以具獄上廷尉必謹擇明察之吏其審克之
卿等司我臬事用能體朕欽恤之意剖決
其所滯平亭其所疑論報爰書無所留繫桁
楊徽繆無復施用其於初政之助不已多乎
章徹予聞良深嘉歎

淳熙十六年閏五月時未改元

寧宗皇帝

獎諭獄空勅書二

蓋聞刑者所以輔治而非所以致治也今律
令煩多吏或深文使吾元元罹于非辜朕

咸淳臨安志卷六

十二

甚痛之故凡天下具獄悉上廷尉庶幾哀矜
審克期于無刑間者數月之間圜空不式至
于一再非卿等持法平恕蔽斷詳明之効歟
書不云乎俾予從欲以治惟乃之休此舜之
所以美臯陶也覽奏來上嘆嘉不忘

開禧元年二月

朕觀至治之世時和歲豐而禮遜之俗興家
給人足而爭奪之風息是以刑錯不式圜
屢空朕甚慕之比歲旱蝗近延郊甸每慮
饑寒之民冒法抵罪麗於廷尉者衆也而期
月以來獄無頌繫實惟汝等明刑弼教風動

四方以稱 朕期于無刑之意省覽來奏嘉

歎不忘 嘉定八年四月

獄

在卿廳之右

寺官廨宇

舊寺惟卿及治獄兩丞居之 紹興二十年改

建始增創官舍及用丞石邦哲請蓋造吏院自

治獄都轄至推吏家屬皆令入居而嚴其出入

之禁至 淳熙間次第皆備卿廳居中左則斷

刑官吏居焉右則治獄官吏居焉 紹定二年

咸淳臨安志卷六

三

重修丞游侶為記

紹定己丑歲九月李寺營造落成昔未有記僉欲書始末

稽之故續 六飛 初駐蹕寺以錢塘縣治為之 既建 景靈宮 紹興庚午 詔從今處舊自

卿及治獄兩丞外屋皆僦至是併徙入吏從焉 淳熙初屋圯復僦越下西乃入己酉司直簿以

宸筆入 嘉定壬申雖斷刑吏亦使入於是寺 所拓地廣矣先是營造事皆屬役臨安至戊寅

楊卿汝明即大門內列 詔書碑遷明清堂葺 卿所居重立少斷刑屋費始取諸寺不以諉府

癸未再葺卿煥又新 勅庫岸獄及其屬之廬十 有六再葺卿居費乞 諸 朝亦不以諉府此先

後易置繕修之大畧也 方曾卿之為此役也少 治獄卿屋未老置弗議不數年慄慄厭卿寓

宅舍吏亦不得寧居 潘卿願嘗以 報 聞戊子冬 今卿慕公又覈其費以請及春 報 可昇緡錢

二萬五千公即日鳩工 慮材口授指畫未幾卿 舍立位置穩愜殆可甲 諸治寺少斷刑屋亦更

葺半之治獄吏區秩秩 井井閑閣牆垣伉敞言 化役既不愆素而樽節 猶有羨錢頌明清地勢

卑木弱不耐久因改作上極旁挾視前加壯曠
奧兩得煥寒具宜寺之居遂全且美矣居者氣
之助也君子雖以志御氣而居或足以移之湫
陋弗能高明則氣鬱而志反累焉將懼於蔽况
寺所職非它曹比畫地之諫不待述也而四方
之讞使之聽歷年之訟使之閱是不昭徹則毫
髮差而欣戚異何地可復愬任之難若此而居
斯氣當益舒志當益明鑑空衡平而生意滿天
下矣或謂杜起曹閩奔走故號風卷茅之夕
有突兀庇寒之思著身輪奐中視何校嬰索而
待蔽茹苦銜冤而冀得直者居不相似也此之
安彼之忘將如我朝以仁立國司臬之選宜弗
能相通固也 紹興內相北海公
輕萬不慮此雖然不可以不戒也公屬筆於侶
因併書之公名奎字仲文 紹興內相北海公
諸孫中外踐散綜理 **司直程宏圖記題名** 有星
精密即是可以察見云 **司直程宏圖記題名** 有星
曰大理古者以更廷尉名示警也 卿在漢唯長
魏置少以貳焉正丞本商秦官司直評事主簿
廼因漢魏後齊所置俱其屬也 國朝之制左
則斷刑有若直評按法詳斷丞議正審右則治
獄有若丞額推劾簿掌案籍少卿分領其事而
卿總之肆 駐蹕於此沿革匪一厥今卿弗常
置率以少卿對掌一正二丞八詳評斷議審如
故隸于左又二丞分鞠二推增一正以聽成辭
隸于右簿通稽左藉直兼糾右違暨臧罰之事
皆止一負惟建置周密有闕是宜咸盡乃心
已異日選掄多尚法理之士屬者欽恤有加昇
付愈益嚴非通經議古忠厚明清者不以居守
厥宜能上叶星象無負 聖天子顧不休哉凡
危事後先歲月宜有攷比嘗綿範木刻所紀僅
自 隆興改元始毗陵吳公廣漢章公乃克更
勒堅珉益搜廣 中興以後姓氏悉登載之且
俾來者得以叙列左方用咸託不朽淳
熙十有一年歲次甲辰夏六月甲子

咸淳臨安志卷六

十四

明清堂

在卿廳之左為寺官會議之所前有池

楮亭

在池上

新渠

嘉定二年卿費培浚治司直陳璧記

愛立治以仁

欽卹用刑棘寺卿屬皆列舍于寺以聽斷弊不
 與百司庶府日旦趨局日中而還者比嚴其職
 而奠其居凡所目謹邦刑重民命也南渡初
 寺在今錢塘門內枕城一隅福匯殊甚特卿少
 及治獄二丞居之臺臣議其湫隘又密過列
 聖衣冠月遊之墜紹興庚午詔徙仁和縣
 西其基視舊二倍而廣屋亦倍之迨今六十年
 間日以增葺而刑官之屬各有攸處矣然地本
 塘灤外崇中坳舊渠填淤深不盈尺水脉浸淫
 所在早涇霖雨時至瀦匯弗流官宇吏區漫為
 沮洳察橈而行閣奎而炊湊潤上澈居用弗便
 蓋官吏通患之况控犴乎嘉定二年春梁谿

咸淳臨安志卷六

五

費公為廷尉卿一日喟然歎曰自吾列理官知
 塗潦之為患久矣渠功可即吾其敢憚勞與費
 而弗之治於是鳩材慮庸因舊作新周垣南北
 昔有渠二迺從而增濬之首起垣西尾屬河塽
 南渠廣尺有九寸深加一寸步益深之長八百
 有三十尺東抵倉橋而注之河渠尾廣深皆倍
 其首北渠之廣增南渠三之一其深如之其長
 綢百有三尺東過萬載橋而達之河渠尾廣
 深倍渠首而加半別穿諸渠于寺之廷橫六縱
 八積四千七百一十有六尺高下相因脉絡交
 貫而會于二大渠渠皆覽其旁石其底凡雜役
 二千三十有八工用錢二百一十有八萬變以
 教計者九萬一千二百有九石以丈計者一千
 六百有七十槩以本計者八百有六而材石之
 仍其舊者不與焉作始于三月之晦間因早暵
 輟役三旬而告成於九月之朔是月雨作水循
 新渠以趣于下曼衍轉注弗涸弗滯公頌謂其
 屬是渠之成猶畢吾志雖然不能無所待也其
 壅也或導之其罅也或壅之其蓄且圮也或修
 營之殆有望於後之人于盍識焉以告璧聞實

宗三尺之制記於考工道達溝瀆之時書於月令夫人而能知之領士大夫有列于朝遂年除歲遷其視官府若傳舍然宜此渠之堙壞而莫之問也公領寺事再稔于茲獨能存古人一日必葺之意以迄茲役俾位于理屬者奠厥微居而獄岸有賴焉公之盡心職業詎止為朝夕計哉後之君子槩以是存心將不但斯渠之不廢而已於是乎書公名培邦基其字云

司農寺

在保民坊內 中興初以寺事撥隸倉部 紹興

三年復置丞二明年又置卿少職掌如故寺凡三

徙最後 紹定間與太府寺將作監軍器監審計

司同建于今處蓋馬軍帥衙故址也舊誌謂嘉

軍司舊址後有景星洞按嘉定所遷乃有祥扈

咸淳臨安志卷六

十六

堂有樓比歲朝紳居其中本寺官坐曹弗便 景

定二年有省劄毋得指占四年又葺而新之舊有

題名丞林次膺記司農寺有卿少有丞簿 國朝

茲職者未易悉數中更多故權宜省并 主上系

隆炎運庶政修明 紹興三年有 詔復置寺丞

一負明年寺宇印記始具既又間置卿少厥後復

置寺簿繇是舊制燦然矣粵自姚虞以稷命官周

屬之太府秦屬之治粟內史漢武始更號大司農

是後雖名稱代有革易若職掌則一也 皇宋隸

於版曹而下以幾察廩庾之出納 紹興更置起

十有二人而次膺實始以公磨叨領丞職幸時承

由與夫 中興以來官于寺者名氏爵位并赴罷

之歲月命工刊石寘之廳事蓋不特侈一時之美

觀庶來者有考且似續其後辰於悠 少卿張維續

久云 紹興二十四年十二月望日

記之漢置九卿大司農其一也初曰治粟內史錢穀

損益之始置度支尚書掌軍國支計而大司農之

志隋更左右戶部又更度支尚書曰戶部尚

書唐因之初亡所革至中葉國用不足始置鹽鐵

使繼又置度支使未幾罷使名而以戶部侍郎判

度支兼諸道租庸鹽鐵使歷五代以戶部度支鹽

鐵為三司於是有三司使或以重臣判三司或以

宰臣分判一司或以租庸使管轄三司至于國

朝則置左右計使摠計使既又罷之三司使如初

元豐官制行三司并入戶部惟常平免役新法與

夫農田水利則隸司農太上下中興司農勿用

紹興三年復置一丞而卿少主簿駁駁復矣淳

熙三年春治新寺宇舊題名弗稱迺石以易之

卿李椿屬維紀事維竊謂九卿非古也周官六卿

與三少為九漢儒附會之說也今倣周制為六部

以戶部掌國計而司農猶為列卿贊矣况倉儲出

納自昔太倉令主之蓋大司農之屬猶今之倉部

也以列卿而行太倉令今日惟倉部要束是聽位雖

高執出倉部下至於軍餉肅給罷於奔命毋謂走

卿辱矣維下走也不敢謂辱而惟贊是羞久安能

太府寺

在保民坊內創建歲月紹興三年增置丞為三

貞四年復置長貳少卿耿秉記題名周官三百六

而職不異者太府一官耳周制下大夫二人上士

四人下士八人設屬若其眾非以其事繁而職

重歟故鄭氏謂為王治藏之長秦漢迄隋併置不

常上下千載何寂寂咸無可紀也豈出內之吝僅

云有司他非所及耶抑卓偉之才偶不相值耶若

曰士舉不逮古則焉敢厚誣獨唐開元中楊隆禮

咸淳臨安志卷六

七

或以丞各寓一階別設主判之官以典事惟太府
則否其職悉入三司諸案故主判之任罕置逮
元豐釐正中更多故歲久莫詳高宗中興
驛臨安任職者始可以歲月考史祺孫為題名
實首於紹興四年然長貳丞簿區分各記或繁
或稀題續不齊僉欲易為編年兼承乏伯臣比修
玉牒恭覩為壽皇聖帝理財之訓有曰生之者寡
食之者衆為之者舒用之者疾財計安得不墮大
哉王言深不知民生之不易用度之宜節秉謂司府
之官尤不可不知此適茲兼官少列舉
語同僚謹識于題名之首其續刻則有浙東提舉
鄭湜為之記紹熙改元正月丙辰朔
鄭湜續記太府周官也凡邦之賦用取其焉漢之
私養分畫與古不同故太府之官闕置卿自梁後
魏始也隋唐因之實與版曹相為管鍵以制邦財
惟奉悅幣頒權量而已元豐治官盡循唐舊所掌
中興初并省附於金部獨以一丞治醴茗之質劑
允省五年而復馬承家蓋初除也初元豐以在

咸淳臨安志卷六

六

京司局分屬寺監而太府總局二十有四今雖頗
省猶劇於他寺以武班內外之廩稍覆其名數而
鈞磨之則諸軍諸司糧審四院屬焉兩庫屬於受
藏之府周知出入而會之則左藏東西兩庫屬焉
時禁省官府之需以備用物則買務屬焉斤幣餘
互市之積以便貿易則賣場屬焉比物真賈俾從
其抵則編套兩局屬焉叙財幣以待良以除札瘥則和
劑惠民四局屬焉叙財幣以待良以除札瘥則和
候庫屬焉制券之短長以通商則鈔引庫屬焉所
異於元豐者惟內藏奉宸不外屬權貨額隸
於都司蓋經財制用有同爾寺凡再徙面執非
宜與塵瀾今寺故敕局也淳熙十有五年夏
局罷白于故朝以為寺煉七月乃遷閣與顯殿稱
其官府寺故有題名為寺煉七月乃遷閣與顯殿稱
四叢猥不章不與寺稱於遷或去不果營穹石叙次官
氏歲月而鏡之同舍或遷或去不果營穹石叙次官
復曩嘗預遷議再除復來為丞實終始之記不成同
舍之志以湜於是寺也為有舊移書命之記不成同
辭因考其沿革繫于碑端并識
遷馬紹熙元年正月四日

卷六終

咸淳臨安志卷之七

行在所錄

秘書省

在天井坊之左 東郡建於 禁中 紹興初權寓

法惠寺十三年十二月 詔兩浙運司即殿司寨

基重建從秘書丞嚴抑之請也十四年七月九日

少監游操等上表請 車駕臨幸 詔曰仰惟

祖 宗肇開冊府 累朝不世之士由是而興一

代致治之原自此而出 朕一新史觀 親御榜

題肆從望 幸之誠以示右文之意遂以二十七

咸淳臨安志卷七

日 幸焉召群臣觀 累朝 御書 御製書畫

古器等省官遷秩有差

孝宗皇帝遵故事以 淳熙五年九月十二日

臨幸 賜群臣宴次日出 御製近體詩賜丞相

史浩以下咸有賡載 陳均編年綱目 淳熙四年

所考 恐誤

右文殿

高宗皇帝御書扁 并殿門右

祕閣

在 右文殿之後

高宗皇帝御書扁兩廡列
累朝御製御書石刻

高宗皇帝

真行草書

孝宗皇帝

臣聞道之真以治身土苴以治天下帝王之
功聖人之餘事也五三六經所傳備矣孔子
叙書斷自堯始帝王之制蓋莫盛於堯也堯
之治至於協和萬邦黎民於變時雍問之在
朝在野皆不自知其然堯之所以君天下者

咸淳臨安志卷七

二

民固無得而名也虞書所述特其緒餘而已
煥乎其文章巍乎其成功非書所能盡也虞
書不作聰明文思之美天下何傳焉形容其
所難名揚厲其所不傳此堯典所以繫之虞
書也恭惟

光堯壽聖太上皇帝身濟大業紹開中興智
周萬物而不以自用功冠百王而不以自伐
道全德備美莫容贊其形之謨訓施之命令
者若稽古道皆不約而合孝通乎神明誠參
乎化育範圍天下之大而極夫裁成輔相之

理德之乃聖乃神者也仁涵乎有生義肅乎
 不諛諱廟操強暴之民而納之聲明文物之地
 德之乃武乃文者也招徠峻良容受忠謹巧
 言令色者遠焉知人之哲也哀矜犴獄寬免
 征賦因窮無告者遂焉安民之惠也三十六
 年之間道洽政治禮制樂作百度粲然治其
 畢張 睿謨 聖訓善教法良史官傳之天
 下誦而歌舞之此可得而稱述者也惟微之
 心輔萬物之自然高蹈物表脫屣萬乘至道
 之真與天同功其孰得而形容哉臣以菲質

咸淳臨安志卷七

三

嗣守大器惟德不逮有涉淵馭朽之憂問安
 侍膳得之口教面命者聞斯行之矣尊其所
 知是宜奉以周名御不敢忘怠於是建官設局
 纂大輯典始於 建炎受命之初止於 紹
 興勅勤之日凡九百有五條釐為六十卷昭
 然日星之垂也瞭然龜鑑之揭也繼自今進
 而得之諄諄之訓退而求之渾渾之書 而
 行之庶幾於治乎繼自今發於身加乎民云
 為注措弗畔於道惟 聖政之書實詔之若
 夫夙寤晨興兢兢業業惟大猷是經惟舊章

是循以無負詒謀燕翼之意臣不敢不勉

右

光堯太上皇帝聖政序權叅政事臣蔣芾

等謹記

臣芾言臣恭惟皇帝陛下躬稟聖質嗣承丕緒夙念光堯壽聖

太上皇帝付託之重兢畏祇栗奉若慈訓凡立政用人治民馭軍之道惟舊典成

式是憲是守爰自踐祚初載即命大臣纂輯聖政萃為一書越五年書成

下親御翰墨製為序文以冠篇首臣適待罪政府幸以薄枝典領著作乃獲躬親

盛事拜登蹕誦震耀心目竊惟自昔帝王昭至德垂羨茂憲必有纂訓布在方策載

籍之傳維見可觀也五帝之盛莫若堯舜然二典之書不並時而作况其餘哉惟我

居以太上皇帝武定亂畧文臻時雍功成不嗣聖陛下孝篤乎事親志勤

咸淳臨安志卷七

四

乎協帝帥絲而聖道不敢怠違作一經垂示無極而又駿發睿藻序所以

為作者之意父堯子舜會進一時奎文漢章雕飾萬寶開闢以來詩書所記

未之前聞頌惟堅珉未刻無以詔天下與來世鬱聖德而勿彰闕盛美而不傳臣竊

慙焉臣不勝大願以宸翰勒之秘府與河圖大訓並傳永無斁以揚厲

下聖孝奉皇尊章洪業之志謹昧死以請制曰可顧謂臣芾其以朕所書賜卿

臣芾拜手稽首受賜退而書之附於聖政序之下方

乾道辛卯春被賜真行草書總十卷臣下

拜瞻玩心目開明竊惟書法自東漢迄於晉

唐代有名家然莫不祖述鍾張憲章羲獻而

各得一編未有超軼拔乎其萃者惟

偏

光堯壽聖憲天體道太上皇帝高蹈羲皇之上遊戲翰墨之間初若無意而筆力所到自得之妙集乎大成如春雲行空千狀萬態遠視前古有不足進因知天縱之能心與會非衆庶曲學之所可及也 帝王餘事猶能至此顧不休哉

右

光堯太上皇帝真行草書跋

比以秋日 臨幸秘書省因成近體詩一首

賜丞相史浩以下 玉軸牙籤煥寶章簪紳

咸淳臨安志卷六

五

列侍映秋光宴開芸閣儒風盛坐對蓬山逸興長稽古右丈慙菲德禮賢下士法前王欲臻至治觀熙洽更罄嘉猷為贊襄

右 幸秘書省 賜詩右丞相臣史浩等

恭跋 臣等仰惟 皇帝陛下宵旰萬微身

抑是黜圃游池籓宴豫虞樂之奉是損是

自 紹興清蹕下臨迄今三紀思欲 刑

脩 太平興國故事 宴右文殿越翼日

光 曜參貢圖書鴻大閱深匹休雅頌臣等

道 以開物之智立經陳紀通于萬世惟有

之張弛士氣之信屈觀國者必占焉雖堯舜禹湯文武之隆揆厥本原稽古右文禮

賢下士蓋同一軌轍淵然以為榮觀臣等歌固非墨客繫人所不得私以

味死請勤諸琬琰詒渚億載與日月雲漢同垂極無制曰可謹具著下方以風示

慮之內德意志翰林學士周必大恭和二首

群玉西崑富典章二星東壁燦輝光秋花迎仗千叢麗法曲傳觴九奏長虎將縱觀

脩舊事渚澤觀化從秘閣新成賜御酒晉戴冠陪侍仰明王政脩即是攘戎策獵狃

殘秋豈是襄蟠木離奇愧豫章幾年封植荷恩光石渠久綴英髦後金鎖深慚學

識長願言作德酬榮遇寧復矜才似智囊三王願言作德酬榮遇寧復矜才似智囊

觀秦很石銘屹五中遠若有神靈以戒秦皇之暴虐從欲則善矣又豈可加石以惡名乎

咸寧縣志卷十

六

宜易之以美名表異之可也因跋於本銘之

後云

右很石銘跋右丞相臣趙雄等恭書

上續

十九年政成德孚方內阜安萬民得宜允臻于泰和迺三月辛未名臣雄臣淮臣

良臣入侍問學有精有粗而治忽分焉最論古帝皇問學有精有粗而治忽分焉最

後及唐文帝因舉皇甫湜很古銘謂石有至戒而秦弗克省乃更被以醜名性茲沈

寬歷世末洒于是出宸畫炳麈臣等足以及辱賜謹拜手稽首言曰陛下紹集

大統夙宵軫恤不忘中原茲石至微猶復澗然興念思為澡滌振拔矧遺黎古老久

淪堂炭者乎且驪山之役秦君臣曾弗閱危懼之言茲石獨屹然中立若示太警寥

寥天壤間止秦之很與右不磨而湜也

銘亦罔克載石意石之不遇十四百年
此矣陸下起神悟于有物之先雪幽憤
於無傳之後石之神靈乃今始克用顯異
日掃清閔輔出茲石於腥血膏火中時巡
方岳而幸過之大書石上以詔示無極則
勒銘砥柱刊頌浯溪不足儼已此中原父
老所以引領南望日々以冀
於仁聖者臣等尚幸見之

春賦

并用人論已見都堂石刻茲不重著

用人論

光宗皇帝

臣聞乾坤之文不著無以見太極而太極非
有待於文也虞夏之書不作無以見堯舜而
堯舜非有斬於書也恭惟

咸淳臨安志卷七

七

至尊壽星聖帝以妙道治身參之三才而無
間以篤行事親質之六藝而無闕以深仁厚
澤幸斯世極之根莖鱗羽而無不被宜配雅
頌宜襲春秋而臨御二十八年之間凡施
凡設歸美高廟金石之刻無傳名山大川
之藏未覩也夙以神器授於微身盡遺有
迹之累而退託無名之境方將淵乎其藏用
冲乎其忘言尚友太極法堯而蹈舜矣則
聖政之書何容心哉然而寶章玉冊希闕
之典儲於三宮廟謨宸斷温厚之詞

施於百辟而詠歌休威摹寫功德之人又德
天下至於中原之故老蠻貊之君長懷好音
歸大號者家有其說國有盟載也豈惟史臣
將夫人能記之豈惟今日將後世亦能記之
則鋪陳彙次以作一經蓋有孺子弗能抑
聖父弗得辭者焉矧惟菲薄膺受重寄蚤夜
震懼何以嗣服對天之休亦越 成書是訓
是式率舊因餘庶幾底義是用申命大臣總
領衆作起 初潛至於 內禪掇其最凡得
六百四十一條為五十卷一言一動皆足以

經天緯地垂裕無極猗歟盛哉昔者文王演
易周公繫辭父作子述臣竊慕焉於是親序
此書之意以附篇首上之 慈廷副在

禁中

右

壽皇聖帝聖教序左丞相臣留正等謹記

臣正言臣聞前聖之德業莫盛於堯
聖之作述莫盛於孔子然二者相湏而不
能以同時恭惟 至尊壽皇聖帝道本於
稽古功成于協帝 臨御二十有八年二
恩塞穹壤威聞遐蠻貊潤色 中興之烈
而增光 揖遜之美薄海外內萬口同辭
以為自舜以來一人而已 陛下奉若
慈訓克昌 丕緒見之行事緝熙光明

且欲以欲承允蹈之餘布在方策昭示
極爰命史臣哀輯上聖政鋪張表出作
宋一經于是書成來上親麗宸翰攄
發睿藻冠之篇端日星有爛著于天文
而太極之妙自然陳露縉紳鈇繫之流又
以為是孔氏之作也臣竊惟有虞之書初
與五典並行而無辨更千五百年而得孔
氏斷為書首序之百篇之上然後暴
萬世由此觀虞舜雖極若矣嘗久晦而未
後彰孔子能祖述矣蓋追誦而不相及未
有自相發輝皇子兩朝聖以繼聖立德立
言自相發輝皇子兩朝聖以繼聖立德立
抑臣次舜之事以底豫為孝遭人倫之變
也以子賢為公因天命之改也惟我壽
皇之事高廟備極五福彌歷三紀雍
穆：昭無間言曾未倦勤脫屣萬乘授
之：主聖神人燕寧累聖一家世
同德：父子之間視舜有光陛下之
序此書尤足以垂百王之範補六藝之闕
矣臣以非材待罪宰事適董攸司與訖不

咸淳臨安志卷七

九

理宗皇帝

朕觀書契以來人極茂建聖賢大訓布在方
策其言治國平天下之道無出於六經而求
之六經之要一日不可違者其惟天道乎大
槩易明其理書正其事詩通其情周典
禮春秋志其變記禮則雜紀焉者也人主知
天之當敬視六經格言如金科玉條罔敢踰
越則逸德鮮矣仰惟 祖 宗 丕 靈 承 帝

事撫有方夏一列聖垂謨飛一息不以敬天
為心一國史登載難以殫舉然未有不本於
六經之旨一朕以寡昧寅奉燕貽懇弗克欽
若眷命萬幾之暇稽式古典爰以已意

關於天地之大而有以

名御舊

寅畏之衷者每

經表而出之衷列成編目之曰敬天圖庶
幾朝夕觀覽對越鑒臨以自警省云爾易
六十四卦大象之義各有攸屬自出治而言
則謂之后自定位而言則謂之上自創法而
言則謂之先王自總體而言則謂之大人餘

咸淳臨安志卷七

十

則總而謂之君子皆主於人君而言也卦必
有象象必有義體而行之人君能與造化同
流者其以此耳然他卦大象皆著本卦之名
惟乾獨不稱乾而止曰天行健而以自強不
息歸之君子嗚呼此天德也人君實以之君
即乾乾即天也人君靜動語默政化云為無
一而非乾以至先天而天弗為後天而奉天
時皆此物也而其要則自閑邪存誠始然則
求敬天於易豈不尤遠於五經歟若昔先
王盛時君臣上下相與儆戒兢業敬天一

寂為深切著明皆聚此書今可考也曰天
親曰天難諶曰天明畏曰天命不易凡所以
推言天命靡常之理言言至到何凜乎其嚴
耶惟人君深知天命之靡常而能疾敬
則可以祈天永命無疆惟休矣不然則不敬
厥德乃早墜厥命豈不甚可畏哉今所纂輯
取於書者尤詳噫肆予曷敢不敬 詩者動
天地感鬼神所以通幽微之情而窮交際之
理者至矣方商周盛時上而卿大夫士近而
侍御臣僕下而比閭族黨無不知天道而識

天象憂深思遠指事引類未嘗為迫切之詞
駭異之語也方其神祇祖考燕衎和樂而隱
然戒懼之意寓焉我將之詩是也方其早暵
為虐遇裁而懼而惻然哀矜之情發焉雲漢
之詩是也至於陟降左右緝熙敬止之類則
又非可以淺近觀也端居而誦澡心以思玩
味而紬繹之其不曰上帝臨女無貳爾心乎
河汾王通嘗謂如有用我則執周禮以往
且重發周禮敵天命之歎蓋其為書大綱小
紀詳法略則粲然靡所不載玉帛牲器之

車旗冕服之制豆籩罍爵之陳鐘鼓匏管之
奏品節度数必加詳焉至於象緯之考察青
灾之抑損亦莫不隸之司存而不敢慢凡所
以接三才之奧通幽明之理也聖人於
徒從事於文物典章之飾於外者而已乎要
必有為之本者矣不然則周禮特一書耳又
安能敵天命而與之並存哉 春秋二百四
十二年所書辰星風電雷之變水旱霜雹之裁
螽螟蟻蝻之害靡不畢備而於日食之書尤
詳且密傳者間未免傳以列國證應之說遂

使後之星翁歷家分諉於所主方域以

御舊名

時君之玩心此則非春秋本指也春秋一統
之書也方諸侯專恣王室既畢麟筆褒貶豈
獨以禮樂征伐關於人事者屬之周而天變
之特書屢書皆繫之王室於書王必曰天王
其所望於周者甚深固曰諸侯雖無周而天
命未改承天從事周之人主不可以任其
也以周之無政而聖人猶拳拳焉南面而治
天下者其可忽諸 記禮一經冠之以毋不
敬之辭所謂禮儀三百威儀三千待其人然

行者惟以敬之一字而已或謂月令出於呂
不韋之手未免滯而不通然奉時承天之意
雖細微必謹言固不可以人廢也至若中庸
大學之書一則曰維天之命於穆不已再則
曰惟命不與常援詩書以明義理之正而其
本則俱切切於謹獨之訓誠之不可揜必戒
於不睹不聞誠之母自欺必嚴於所視所指
二書之旨深矣可不懼哉

右敬天圖

端平改元春三月庚子齋居恭默夜夢一真

咸淳臨安志卷七

十三

人我冠佩玉略似

藝祖色鰲而貌和亟延 朕殿上授之坐親
承面命一聖謨洋洋敬聽無斃俄而夢覺越
三日宗臣善來以舊藏 昌陵御容捧進一
瞻 天日之表如夢中真人無毫髮異迺知
在天之靈將御舊名佑我後與齡錫祉用昭眷
命厥惟休哉豈 朕之不德所克負荷以
承帝寵敢不祗若體命夙夜兢業期於揚

我祖之烈光因述古律二十韻紀實以詔
後世用傳不朽云

文祖膺天命 開基本至仁治隆三代至

錫萬邦臣禮樂崇儒術詩書教武勳如天常

覆燾薄海悉尊親歷數恢千載皇猷塞萬春

眇躬承 大統令德媿 前人凜凜如

孳孳每問津精思形寤寐幽氣動威神陟降

徕 天步將迎荷 聖恩矢辭踰訓子侍坐

匪同賓仁政因微扣宏摹廼歷陳治當先法

祖德勿謂無隣幾務惟中道規恢必有論誦

言猶在耳取則敬書紳想像更三畫希竒遇

一真君然天所賚儼若夢中身施祉垂孫子

咸淳臨安志卷七

十四

遺思決士民 睥容瞻日月 綵仗上穹旻

所願新其德毋忘誨爾諄昭哉傳百世燕翼

永持循

右 端平紀夢詩并序右丞相臣游侶等

恭跋 臣等恭惟 太祖皇帝以神武不殺

取五季分裂 濁亂之天下而清壹之

功成治定不私 神器而傳之 太宗此

竟舜以來未有之 懿也帝懷明德本

世蓋十傳而得 孝皇是氣數之一還也

又三代而得我 皇帝陛下是氣數之再

還也於是 僊源雙派大慶始均焉家嫡

正體大順始成焉此非 太祖之心亦非

我 皇上帝之心也 寶

之問 謙遜遵養 端平親政如日方升

然天祖在天監我 有道曾孫必有不能

忘情者故庚子之夢神交面命即竟

然天祖在天監我 有道曾孫必有不能

忘情者故庚子之夢神交面命即竟

相授受之旨而聖作之偉妙契疾書
湯武銘盤席之意臣等肅容伏讀有以見
聖祖神孫傳心之妙信非三代帝王以
下所及也大哉之間它不遑及而仁政為
首顯哉之謨諄歷陳而中道為要中也
者好惡黨偏之俱抵蕩平正直之是遵
太祖令洞開諸門皆端直通豁無壅墜謂
左右曰此如我心少有斜曲人皆見
此中之體也推而達之仁覆天下矣
之外別有仁而道之外別有政也皇情
睿思領會微言奎畫雲章發揮祖訓彼
有作大風歌者特雄心之所感何有于道
作秋風辭者乃逸志之所形何關於政豈
足以方今日之事哉樂石既鐫詔臣等
措辭不下臣等敢復推述氣數之所以還
精神之所以下臣等敢復推述氣數之所以還
云業

淳祐甲辰臘月壬申夕夢

咸淳臨安志卷七

十五

高宗皇帝於殿上裁冠被服若天尊然拱
侍從容言貌悅懌我皇祖所以眷屬之意
深矣恭述古風一章紀實以昭在天之靈俾
世世萬子孫其無數淳祐四禩冬是月昏
婁中甫親丙夜枕有感清明躬夢至一別殿
脩梁抗雄虹仙真儵來下尊嚴瞻帝容雲
冠高岌業霞佩鏘玲瓏秉執粲玉斧舒
其東從官六五輩言稱我

高宗瞿然起敬長再拜前致恭溫辭曲勞問
宛與家人同忽覺手進食臣托擊金龍笑

持得起喜色春融 食餘即就賜捧視殮
 饑眷焉寓深意詞簡可類充俾思付託重庸
 茂持守功 淵謨在紬繹儼立方祇庸豐隆
 俄先路笙鶴 殷空羽仗轟輕舉佳氣垂鬱
 葱寐覺肅巾盥涉筆識所從緬懷 端平夢
 藝祖臨絳宮微言固典聽紀詠愧不工皆於
 更化日精神潛感通 創業 中興盛 御舊名
 祐斯無窮涼菲念厥紹統業當系隆姦佞終
 屏黜賢俊皆登崇所異在廷彥協贊同和衷
 撫實以自儆矢辭成古風

右 淳祐紀夢詩并序右丞相臣游侶等

恭跋

臣等伏惟 皇帝陛下英資冠古聖

斷至明而藏用尤密迺 淳祐四禩十月

丁亥 御筆遂朋姦者四人十二月己巳

寔大野相賀越二日壬申迺夢 高宗皇

帝聖容有憚嘉 重器之得託賞 神孫

之能持嘻亦異矣 於是 皇情載震 帝

歌爰作陸離 天藻摹神交之妙昭回

雲章發言外之 蘊臣等拜手伏讀作

曰天人相與之際 豈遠乎哉用一人
合乎天下之心 斯合乎祖宗在天之
之心矣捨一人 為而合乎天下之心 斯合
乎祖宗在天之心 矣洪惟我 高宗
嗟赤燼以興 中天之業挈 神器而還
昌陵之裔固斯 子孫是保永 世無斁有
茅其姦極我 正而 度我 先神后固謂
何人事一返 正而 度我 先神后固謂

宋本影鈔

然無足怪者昔漢武帝感車千秋之夢
罪江充以為高廟神靈使公教我豈若我
皇上英斷風霆匪待詔教矢言金石後播
聲詩有曰姦佞終屏黜賢俊俱登皆所冀
在廷彥協贊同和衷之訓則敬聞命矣至
稱登崇而和衷之訓則敬聞命矣至
於屏黜姦佞知終君思終之說也
神靈實聞此言群臣敢在下原臣等拜舞
贊誦之餘請勒諸翠珉以傳耀無極敬百
拜書於
下方

國史院

在右文殿東提舉廳在殿西

道山堂

在秘閣之後

咸淳臨安志卷七

十七

高宗皇帝御書杜甫山水歌於屏仍 詔將作

監米友仁書扁 景定四年

理宗皇帝復錫以 奎畫少監臣林希逸謹耆

臣恭惟 高宗皇帝應與邦啟聖之期直保大
定功之始作新基命蒐舉國容睇東壁于珠躔
稽西崑于瓊笈乃 紹興甲子筆植宏規
曰右文承以闕閣皆 宸筆大書以煥耀之
昭回之光上映日月於今六甲再環矣我 皇
帝陛下神聖文武緝熙光明宏濟時艱申 休
命勅天之歌喜起致祥之一治肅和戒告攸
飾廢故木天輪奐粲然一新臣以公庸備數少
令作而念曰于皇遠宇翬跂層聯 殿閣有嚴
厥名惟赫有堂有時翼：我：舊額雖存 僉
曰未稱功倍 經履躡越 御書道山堂三大字
迺二月戊寅 賜臣以 神孫心畫授受龍
星鈞日珥洛緯河 聖祖 混融八法嚴備能
天縱意在筆前 聖祖 神孫心畫授受龍

鳳躍輝燭人間臣對揚天體百拜稽首消謂
吉旦虔奉揭安群工百僚貽暘欣舞愚臣竊謂
圖書之府大雅不群本上應于乾文何取名于
藏室豈伊儲才待用之也譬彼烟霞縹緲之居
蓋唐以弘文登選學士世所歆羨比之瀛洲當
時諸大賢則著績彌綸小亦流芳典籍姓名千
載猶如列仙敬宗何人失身一語聞者鄙誚為
此館蓋然則美之以為名欲其居之以自棫樸
之詩曰倬彼河漢之架于上也又曰追琢其章
之責于下猶天文之架于上也又曰追琢其章
金玉其相說者曰追琢者上作成之也金玉者
下自貴重也今宸章表絢明正星河士游其
間敢不企瞻華扁金玉其身以副聖天子壽
考作人網紀四方之意哉臣既狀其事乞登信
史謹摹而碣之述而美之于
以垂無窮而耀無極乎爾

舉題名禮部侍郎李燾序

本朝崇儒尚文因唐
故事必命宰輔兼領

三館其首相曰昭文館大學士次曰監修自
景德二年王旦始也昭文館大學士
熙寧九

咸淳臨安志卷七

十八

年王安石罷遂不復除集賢院大學士元豐
三年王珪遷亦不復除惟監修國史相傳至

今天聖五年修真宗正史王曾既領昭文
兼監修又別敕命曾提舉提舉之名自曾始

元豐以前國史別置院寓宣徽南院號曰編
修及官制行併歸史館隸秘書省國史院案

國史案今日廢所也元祐復置國史院隸
門下省明年又置國史院修撰兼知院事而

監修國史自王珪後宰輔皆不入銜及修撰
神宗正史呂大防實為提舉而國史院修撰

又別敕兼修正史蓋日曆即國史也
宗實錄正史亦國史也起居注時政記祖聖

政錄及會要亦國史也皆總于一固未修日
紹聖復以國史院歸秘書省其後提舉修日

曆或命它官而實錄正史宰輔兼提舉初不易
昭文集賢或廢或改而史館故在
中興之六

年始命呂願浩兼提舉修國史當時國史
但指日曆願浩引元祐故事并及正史自是

首相即兼監修徽宗實錄秦檜亦以監修兼提
紹興也速修徽宗實錄秦檜亦以監修兼提

舉始分監修及提舉為二至萬俟高並為左右僕
 射初屬左尋屬右會要則三館皆五年右創領
 馬祕書少監陳駿謂燾曰三館皆有題名而監
 修提舉獨闕可乎蓋序其沿革次第并刻之燾
 猥以無能之辭備數太史牛馬走因不敢辭

右刻監少以下題名少監張宦記上即位之五

改元歲次辛亥二月丙戌詔呂多難未
 才為急其復秘書省置監若少監一人丞著作
 郎佐郎各一人校書郎正字各二人呂待四方
 雋傑之士又參酌舊制校書郎正字
 士院而復命之自是採求闕文補綴陋逸而四
 庫書籍亦云畧備矣越三載即秘書省復建史
 館呂修神宗哲宗兩朝實錄選本省官兼
 檢討校勘呂侍從官充修撰明年詔放唐十
 八學士之制監少丞外置著作郎佐郎秘書郎
 各二員校書郎正字通十二員立為定額又明
 年移史館于省之側別為一所呂增重其事而
 校勘官或以他官兼之至紹興九年修徽

咸淳臨安志卷七

宗皇帝實錄乃即史館開實院以本省官或他
 官兼檢討而修撰官如史館例明年以未修正
 史詔罷史館併為實錄院呂正名實而著作
 局唯修纂日歷馬凡在茲選均謂之館職所呂
 儲蓄英髦以備任使臺諫禁從於此乎取之故
 所除受總十五六而員額之闕幾半蓋遴選也
 異日謀謨廟堂安社稷于談笑垂功名于竹帛
 者不無其人豈但摩研編削將以頌中興詠
 聖德為太平之文飾而已哉宦才朽學落五
 年間再獲造跡英游實與榮幸竊惟祖宗
 三館祕閣之制因革損益麟臺故事載之詳矣
 獨紹興以來題名未有石刻則擢序之先後
 居職之久近歲月遷改將無所攷于是閣
 續題名記且使來者可述焉紹興十年七月

申東西二閣監少位馬丞及館職位於兩廊堂

之前為石渠橋其上旁為小亭有吳說書石渠

二大字堂下又有李陽冰篆書道山二大字皆

石刻

著作之庭

在道山堂之後胡銓書扁有著佐揚簡贊孔子

語亂則深于春秋者矣天有四時春秋冬夏風

刑庶物露無非教也地載神氣神氣風霆風霆流

大哉聖言著庭以屬辭比事為職辭不勝其繁

如雲氣能障太虛之清明能蔽日月之光明舜

母我精神是謂聖而每：戒學者毋意毋必毋固

意之害道也甚故諄：止絕學者門弟子欲盡

記之不勝其記故總而記之曰子絕四動乎意

彼若之何而一又謂風霆流形庶物露生如彼

咸淳臨安志卷七

二十

屬辭比事如此若之何而一易曰良其背：高

不知其為一而况于不一不知不識是謂帝則

聖人曰中庸：常也明夫日用平常之心何思

何慮虛明無體廣大無際天地範圍于其中四

時運于其中風霆雨露雪霜動散于其中萬物

發育敷露于其中如鏡中象雖紛擾參錯而未

嘗動也亦未嘗不動也不可以為有也而亦不

可以為無也不可度斯矧可射斯春秋之大義

在斯深于春秋繼天有四時一章取之家語後

有小軒置蘇軾畫竹石刻其中曾宏迪識

名氏相傳為東坡先生歸自海表戲作于

僧壁好事者取以為屏猷之貴家轉入御府嘉

定初內出送秘書省真之著作堂上同館之士

食已列坐焚香淪茗其下望其教風霆閱古今

之氣使人之意消眾謂土木之質久必壞相與

謀壽諸石摹泐事竟將題誠以傳或曰此石室

先生文氏所作也聞者且信且疑莫肯涉筆時

宏迪已自少蓬遷右史明年再入為監石尚未

立乃諗於衆曰東坡石室以氣類合故嗜好
曾中自有成竹不在乎筆墨畦迳間也石室嘗
曰吾墨竹一派近在彭城試味斯言則舉是東
壁以屬東坡孰云不可衆曰諾乃識之下方

西四閣著作著佐位馬後有池二

國史日曆所

在著庭東廡有汗青軒

按周必大玉堂雜記
淳熙三年十一月二十

三日御封付下參政錢良臣辭免監修
史日曆所劄子降詔不允必大因奏自來宰

執兼領書局多是內尚書省批出局名既至
朝廷降勅合行寫正而省吏止奉行

宰執亦隨勅黃繫銜差誤日久今因
輒具言之國史日曆者書名曰日曆所者官司

也今大臣合監修日曆却添一兩字似監修造
作之官又如勅令所從官詳定宰執是舉今

却云提與勅令所此何理也以至
要玉牒皆為一律合行改正上以為允其

咸淳臨安志卷七

二十一

後或是或
復混淆矣

編纂會要所

在著庭西廡

書庫

日曆會要庫各一經史子集書籍庫六分列于

右文殿外東西兩廡又有書板庫在著庭之右

寶庫

在西廡之外

後圃

在群王堂以蘇軾畫竹真蹟為屏有蓬萊前為

池度以石橋池之前各累石為山又有芸香亭
席珍亭方壺含章亭茹芝館射圃繹志亭蓋自
淳熙初陳騃為少監始經營來者增葺頗為華
邃云

渾儀臺

在含章亭之右

勅令所

在侍郎橋南中書舍人兼詳定陳居仁記題名

乾道四年

冬有司言 建炎後續 旨幾二萬餘條前後并
不合請削為書 俾吏不得舞 詔可之六年秋復
置詳定一司 勅令所初 寧 本朝重令甲每 詔
諸儒纂修自 天聖 熙寧 元祐以來有詳定

咸淳臨安志卷七

二十二

編勅所編脩諸司勅式所重脩 勅令所其設局
不一最後獨存今名 渡江因之而 累朝大典
用以秩序矣書既 屢奏 御賞煩費侈官吏滯究
紹興末例罷去至是始復之然視曩時官省三之
一史胥徒省三之二凡共億之事又大省惟不務
為虛文而典領則並委二三大臣不敢少損焉示
三又重事必有考其要以此詔官府又所置刑定員
率資歷未可登他曹則於此乎儲之士得優游其
間斂身于防益明習 國家憲令以適于務夫謹
法度廣賢才上之復是官也抑豈為無指哉刑定
有以他官兼詳定有為同者中又省去今定為提
舉官二以屬宰相同提舉一以屬執政詳定
官為之刪定官五蓋于今為著曹以典領重
也因得附離姓名于壁 淳熙十五年四月

淳熙十五年用詳定官林黃中請省罷 紹熙二

年復

咸淳臨安志卷之七

十一日娘校

咸淳臨安志卷之八

行在所錄

諸監

國子監

在紀家橋

學置監仍置博士二員以太學生隨駕者三十六人為監生十三年臨安守臣王喚請即錢塘縣西岳飛宅造國子監從之監繪魯國圖東西為丞簿位後為書庫官位中為堂繪三禮圖於壁用

至道故事也

餘見太學

芳潤亭

在後圃丞錢聞詩扁以隸古

書板庫

在中門之內 紹興九年臣僚請下諸道郡學取舊監本書籍鏤板頒行從之然所取多殘闕二十一年 旨諭輔臣曰監中闕書令次第鏤板雖重有所費不惜也由是經籍復全

將作監

在保民坊內

創移大畧見司農寺

紹興三年始置丞一員領

監事凡計料監造

行在官司營房舍屋之類皆

馬信然

行上主字

宮

隸馬十一年始置長貳一員主簿孫祖壽記題名

漢九卿將作大匠丞秦官亦少皞氏以五雉為
 五工正以利器用唐虞共工周官考工之職也歷
 代雖因草不一大率典司皆營繕木土之事隋開
 皇中始定以寺為監唐天寶中始定以長貳為監
 少丞自漢置主簿自晉置負之多寡亦不同焉
 本朝蓋因唐制主上再造丕基承平官府寢亦
 如舊 紹興三年冬十月復置丞十年冬十月
 置主簿明年夏四月置長貳官適少府未復故與
 軍器兩監分領其所隸自復監設官二十寒暑因
 循苟且題名未立吏書粉板不足示後祖壽濫掌
 勾稽與丞信安徐宗愈為賓議立石未遂徐既補
 外臨安錢端英繼丞事始克就日叙梗槩以揭其
 首云 紹興二十 丞蘇峴續記 將作監題名 紹
 三年秋七月庚戌 丞蘇峴續記 興癸酉始鑿木 以
 易粉板慮其易蠹不足垂久既代石未暇鑄也由
 隆興而未上法 慈訓躬履儉約言室無所營繕
 器用不作車服從給器務益省矣于是長貳久闕
 勾稽之職亦復不除獨以丞兼治其事歲在戊子

咸淳臨安志卷八

峴由太府丞以嫌自列乃獲鍾伯父伯氏後陳悞
 無以稱明年二月礮石改舊刻歷考所載名氏凡
 二十年間由簿而上執國政者二人持從橐者九
 人今之有列于朝者陳公少常伯揚公次對朱公
 貳外府張公奉內祠伯氏為尚書郎亦可謂盛矣
 願峴之不肖亦得濫吹其間有榮耀焉碑既具乃
 以舊記冠其首而私著其事以 右司員外郎京鏜
 告來者 乾道五年三月八日

續記 將作古官也在秦曰少府在漢曰大匠在北
 齊曰寺至隋唐始以建名 國朝因之 南

渡以來 在所營繕之事有府尹畿漕分其責由
 是職閑無事監少屢虛丞簿互兼者久之比來人
 才盛多樂于彙進監少丞簿無闕負凡臺省之久
 次與郡邑之有聲者悉寄徑于此今號為儲才之
 地舊有題名各以類分建鏜承乏為監欲托諸不
 朽而石已無餘訪之它山會移都司不果今開封
 常璞實繼鏜後明年得堅珉與丞清源諸葛廷瑞
 簿丹陽霍麓議變例為編年俾鏜記之竊為官無
 中外亦無劇易均于事主報國而已吾儕立乎人
 之朝要當洗濯故習磨礱壯志相期姓名于簡冊

之上庶于金石有光焉若曰吾于是乎紀歲月志
族氏以侈後觀則恐雨淋日炙無復摩挲徒遺後
人作石爾其念之哉
淳熙十四年十月朔

軍器監

在保民坊內創徙大畧紹興三年始置丞十一年

置長貳又有製造御前軍器所別置提舉提轄

等官泣其役近歲專屬殿司而監之事益以省詳見

製造軍器所門監王速記題名將作名官古也軍器非古也周有六職百工居一焉

漢以少府列九卿其屬考工專主器械軍器非古也其職古也有唐設官軍器與將作並列國朝

具官無貳而其職掌隸于三司熙寧制更然後軍器有監有長有貳有丞簿率屬合治與唐六

典建官不殊中興以來承平官府併省多矣而此職具存豈以用武之時所務為急雖時偃武所

咸淳臨安志卷八

三

以除戎器者不可一日置耶由長而下異時選用人才其間踐文昌登丞弼爛然可睹盛矣速也不

肖由尚書郎得長是官日虞非材玷辱前列顧瞻石刻雖有名氏而未述官守建置之絲輒不少遜

慨然書之併以姓氏列于諸公之左來者繼之類然瓦石珠璧後先遲莫有榮焉淳熙三年六月

二十
五日

大宗正司

在天慶坊紹定六年判大宗正事師彌建權禮

部尚書魏了翁為記紹定四年災寓治睦親宅五

年六月甲子詔以天慶坊魏惠憲王府舊址為之屬有司賦大慮財為緡二十餘萬而職歲前後

所發裁及其半判司事嗣秀王師彌斥其私藏以承上意自六年六月戒事至明年端平改元

八月甲子落成上書屬籍之閣四大字以寵靈之門塾堂垂階庶序室公館吏舍庖湑儲待鳩傷

告功王過了翁言曰願子識之了翁謝未能也王曰子以宗伯載筆太史而子為得辭之子惟古者官之長必曰司曰正而周之宗官獨稱伯以別于六官之長則所以重正體謹胖合元宗祧也或曰形伯嘗為宗正顏護軍辯其不然矣逮秦人始以宗正列于九卿僅掌親屬而宗廟之事屬之奉常大失古人所以敬宗之意至漢魏隋唐迄于我朝因之不改昭陵念宗子之無所統一也始于我宗正寺之外為大宗正司以皇族領之治平元年增置同知事元豐官制行又以宗室團練使公上有德望者為長而一人焉貳之若位高屬尊則為判凡以承寧勿協糾遇愆遣祖宗厚倫之意至是逾密矣雖然予以古制參之尚有可言者古者以廟序宗廟曰宗室曰宗室器曰宗彛祀曰宗事姓曰宗盟而掌禮者由虞周而來皆曰宗下及都家皆有宗人將以別姓叔族寓不言之教也是故天子之元子為大宗以繼大祖則別子為諸侯者各為一國之大祖而不得稱其先王諸大夫者又各為一家之祖而不得稱其先

咸淳臨安志卷八

四

者亦謂之大宗所以別小宗大夫之次子曰貳宗所以副小宗或同姓而異氏也或別氏而合族也或有大宗而無小宗也或有小宗而無大宗也或無宗而亦莫之宗也或有適子之子而不為適孫也有通稱為後而不與適子相承者同服也有宗廟之事則尸王列于大室子姓以昭穆為南北面旅酬賜爵昭與昭齒穆與穆齒內賓宗婦各如其倫其有哭臨之事則同姓于宗廟同宗于祖廟同族于彌廟所謂世之遠近齒之長幼分之親疏蓋自生長見聞周鄉于宗廟之中相示以禮樂而意已傳上無嫌偏之慮不無覲覲之心法之至善者也况又養之于成均以觀其德行雖天子之元子亦齒于士也列之于王闡以考其中失雖大夫元士齒于士亦列之于王子也逮其可以仕也則選建明德自五等之侯兩社之輔三等之采六遂之邑有封畛士略以處之彛器分物以昭之祝宗卜史以秋之宗氏分族以維之才無大小靡一失職此其大略也而其間非混然無所別異者曹文之昭其鄉而五叔無官魯衛晉皆叔也而文成康之列伯

不獲是分蔡叔康林之兄也而衛先蔡則又于昭
穆長幼之中以賢否為進退以功過為先後有尚
德勸能之意行乎其間士之生于王族也宗有法
廟有序學有教仕有養用有別涵養成就蓋非一
日嗚呼夏殷以訖祀宋后稷以訖末孫凡皆有國
二千餘年維以羸秦之暴幹棄周鼎猶三十年晚
視而弗敢遷親之用賢之效豈秦漢以來禍衷忌
意涼法敝事之所及知乎國朝待遇同姓則本
乎成周之意視前代之自翦其類根無所蔭者殆
不可同日語然而宗法不立無以嚴親之等嫌
忌尚夫操觚弄翰之士固多有之若同姓之卿與
樂與夫操觚弄翰之士固多有之若同姓之卿與
國同其休戚如古人之所謂維翰維城者則予謂當
思所以變通之法以蕃王室以強維城者則予謂當
溉葉流根之意敢因王之請以所得于師友者為
王誦之用荅敷明天子崇寵屬籍之休命云

起居舍人真德秀記大宗正題名

水利州觀察使天

四年教孚今行公姓輯睦迺上書北闕勾奉祠
鑰以歸詔曰卿正身師下人無異言其止請勿

咸淳臨安志卷八

五

侯益感勵顧設官以來題志尚黜于是摛討載籍
自濮安懿王而下四十有四人除授舉改悉書而
錄之石惟宗正之職起于漢初國朝沿唐置卿
少以庀寺事四聖傳序本支日蕃景祐三年
以行藝訓道而篤睦之受其辨訴之事而糾其失
自是累朝以為盛選非學問通古今行誼冠宗
室者不以尸其任也若昔同姓之賢惟周唐為最
盛還觀國家盛時宗臣多魁壘靖重至有名聞
朔漢諄之以止兒唬者迨更事變登壇歃血倡義
師以奠王室首出于維城之英廟中興百年尤
磊落相望冠倫魁踐槐禹功在廟祐者殆與姬
占埒侍祠燕居澹不與事而純忠厚德屹然為
國壽俊者亦足繫時重輕其它風猷馨烈暴耀中
外復不可勝紀益眦周為亡愧而揆唐則過之茲
非建官立師時操月化之效與原是司之設先教
法而後治法最得先王治親之意肆因侯命而特
著之俾來者知所本凡憲令糾禁在有司者皆不
書侯名師蚤字景瞻崇憲靖王之世子世為趙時逢
宗室祭酒云嘉定六年十一月朔旦

漢

記丞題名

宗正置官尚矣宋百官春秋曰周封同姓之國選其宗中之長而董正之故謂

宗正宗正置官自此始成王時彤伯嘗為是官或曰彤伯為宗伯非是按六典小宗伯掌別三族辨

親疎即古宗正職也漢興設官以序九族屬有丞非劉氏不畀兩都相望號千里駒載獨行傳者尤

表：可錄厥後親賢迭用遴東時髦一涉筆沾位允稱華選皇朝列聖授相輯宗睦族眠前代

有加宗正顯領王牒大宗正實治董其事枝葉後琳條緒日廣熙寧三年置二丞命都官郎張

維圭等為之訖今百三十有二載負不並置佐理深重時逢幸承乏又辱在同盟惴：焉惧弗稱厥

職暇日參訂前蜀文書脫畧漫不可究自詹事王公而下履得三十九人靖思中興以來歲月未

大遠前人名氏所失幾半若今登載弗即後將有攷由今視前肆謀伐石會有援光局例徠助事迺

竟時連未至得板聯不朽竊與榮焉治所徙于潛苑廳東鄉前有池色紺綠如染因即其欄植軒十

二楹北一室餘隙地晦許鑿壁為牖責松老梅交時森刮屬秘書婁公機作隸古扁曰衍芳蓋取芳

咸淳臨安志卷八

六

林故事用昭我國家本支蕃衍併識諸左嘉泰壬戌上巳

屬籍之閣

理宗皇帝御書

省所

茶鹽所

會子所

公田所

封椿安邊所

右並在三省大門內以都司提領舊有安邊所創於嘉定初拘催簿錄家產及有市權所牙契所

後因吏胥蠹弊走卒繁擾 咸淳四年奉

聖旨撥入封椿所又有市舶所創於 淳祐十二

年近亦因 朝廷察見吏姦於咸淳六年準

指揮併行省罷

院轄

登聞檢院

登聞鼓院

中興初建於 和寧門之下 紹興二十八年移

置 麗正門外左右闕之南左檢院右鼓院監官

解舍皆在鼓院南監院張叔振記檢院題名曰國朝

咸淳臨安志卷八

七

之舊設四匭以通下情曰崇仁思諫申明招賢置

匭院宣德門外之西北廊既易匭為檢又改為登

聞院景德四年始改登聞檢院檢函之置蓋不

但以達幽枉亦堯鼓舜木禹韶周肺石之意大哉

制乎宜四方萬里猶一堂也 南渡以來創治所

于 和寧門之下 紹興戊寅 承平之制移置

雙闕之左比年臺閣省寺之英往：於此乎出實

儲于之地舊設官二員 隆興改元得 旨省其

一故自趙彥博而下皆獨員雖職清事簡比他院

無劇務然 九重明目達聰所繫民之休戚軍國

之利病所由達屏竒衰進忠鯁信抑枉去壅遏

以仰禪聖治萬分之一則職業惟謹也院故無壁

記以見前人之名氏歲月 淳熙壬寅長樂陳公

曄到官始索之故櫝自 紹興庚申迄其時僅得

三十四人其間李文中之後王述之前又脫畧六

年無所考之自陳曄而後至叔振承乏又得十人

歲乙卯毗陵守張公貴謨今為樞密院檢詳諸房

文字以書來諗曰題名碣可置乎頃嘗庀職請循

它局例輟奉以助鏡工僕曰事之幸會而成固之

時若此哉願冷局無所得石迺求於畿漕而磬之

繇是前者有稽後者有繼院之闕典以備而勵職
抗志之士得以託名不朽云 慶元二年五月

監院趙夢極記鼓院題名 也職掌之有題誌匪觀傳
遠

目其人知其政使來者有所勉亦官箴之一助也
今仕于朝者凡百司庶府皆得以姓名登諸石獨

鼓院闕此未講豈以其位卑局冷遂畧而不傳歟
夫人赴愬于上如水欲決如火欲達一或過之為

害滋甚然而勢易隔情易壅深山窮谷避陬壤
能累囊竭蹶奔走于官府之庭者固甚難而其窮

民無告懦夫不立吞聲躑躅能叫號于有司以冀
萬一之聽者抑又甚難今也無遠近無強弱擇盈

天之紙書平時之憤曾不崇朝即徹 淵聽視
帝聞萬里若咫尺然此司鼓之官所不可廢也

國初領以內品 至道三年易昇朝臣以示崇重
景德四年命諫官奉常為之主判至今與檢匭同

隸諍垣 祖宗之意微矣夢極么膺濫吹是職
亦既數月竊恠題誌之不立姓字之無傳是為闕

典乃得 紹興丁卯而下二十有九人裒而列之
堅珉蓋遠者莫克記也在昔政良而大弭獄結而

咸淳臨安志卷八

雨注否則飛盛夏之霜亢東海之旱致祥致異
若影響有周哲王植路鼓設肺石汲：于達民者

正為是爾我 藝祖朝維一猴豚之失猶得以聞
况大于此者乎 今日朝廷清明 當宁宵旰

軫念民瘼為臣子者宜恪恭迺職以既厥心視民
隱憂如切諸己使情不壅于上聞德易至于下究

是司鼓之責也敢併以
書 慶元五年四月

都進奏院

在朝天門外有題名記不書作者姓氏 有故事官府

以紀居官者之名氏年而列之備遺忘也進奏院
掌邦國傳遽之事則周官行夫其職也而自唐始

以知院名厥初方鎖沼襲舛逆得自置吏京師其
在公家不惟駢贅而已又苦跌韞于是乎制令稽

違東薪不流 現邏交午温木罕秘 宋興盡罷節
度使權至 太平興國中迺因何保樞之請以鈐

轄諸道扁院額而摹印章率用名流上宣于達歷
閣闔登太清殆百倍如唐時 中興復置于達行

在所直廬對峙接武朋來其間踐履華要以底大
用或于此推輪焉而居官之名氏則未之前紀也
按求故實得五十三人繇近歲來始能詳其授任
之始末蓋自余公堯弼以上有不得而知者已故
追而記之斷從其所得知者以
為之始云淳熙十二年七月

官告院

在部門內之北主管官虞似良記題名并書

士自命

以上至于公卿凡除授告命必繇院以給之則居
是職者為甚重而不輕矣故謹其付給而守其戒
令視它司為嚴唐制百官告身分掌于其所部文
則吏部掌之武則兵部掌之宗戚命婦司封掌之
考校勲績司勲掌之國初悉因唐舊置院于右
掖門之左凡吏兵封勲四司之告舉集諸比
淳化五年始專置局命書舍人一員提舉而以朝
官一員判局事于是職任踰重元豐改制迺以
文武官告身悉隸吏部而以蕃官隸兵部
大觀或置或不抵廢則皆歸吏兵右選
政和

咸淳臨安志卷八

九

復置院仍差主管官二員中興以來同仍不改
然自紹興至今四十餘年中間官使殆無有記
之者名氏到罷漫不可見事之因循苟且豈特此
哉似良不才承乏是官思有以紀會同僚魏君相
與討究自薛僊而下得五十五人勒諸石庶
使來者尚有考也乾道七年十月既望

諸司諸軍糧料院

在漾沙坑以七官宅廢屋更為之凡再殿中侍御

史謝諤記諸司題名

國初承舊制有糧料院使
太平興國五年正月分糧料

諸司馬軍步軍為三院
臣端拱二年又改用京朝官
元豐末併馬軍
步軍為諸軍與諸司為二院
事紀原所載一如此
在今諸司諸軍各二員
皆以幹辦為名諸軍一員
分差建康諸司軍三員
在臨安如諸司則分左右
兩廳各有銅方圓二印
昨渡江之後行在
瑞石山觀音院舊基為官舍
入門而右即諸軍少
西則左廳中而東向則右廳
吏舍則近門列之北

為諸司南為諸軍有架閣庫二在諸軍吏舍之西
 屋皆依山其勢稍高二三君子典諤相先後為諸
 司者謂凡官居皆有題名而此獨關遂買石建之
 夫下干祿以代耕上制祿以馭臣隨其職之繁簡
 而為之別必有所謂適得其平者唯清廉介特之
 士必能見得思義夙夜匪懈常恐祿浮于事故祿
 雖少而綽然常若有餘儼惟不然則背公徇私
 惡勞好逸故祿難多而吐然常若不足且怨夫
 不察增者有之諸司官掌祿者也固可以如此而
 察夫六棄之中其必有見亦人材之一助以報
 上也 淳熙十三年
 十一月庚辰朔 記諸軍題名 選國家重六院之
 留意率用治縣之有效或經荐舉亦有嘗剖守符
 所以在此位者皆不敢不念其所以為重而其滿
 其未滿視監察御史與寺監簿有闕多加採擇舊
 嘗有因之即持節者蓋階是以試而無所不之則
 非從選之重而任之亦然其負凡十三糧料審計
 有八分諸司諸軍皆以幹辦為名諸軍糧料有兩
 員其一一分差建康其一皆行在所瑞石山與諸
 司同門而居諸司既有題名獨此未建察院福唐

咸淳臨安志卷八

黃謙自此遷者也乃合前後任議成茲事夫諸司
 與諸軍仰上之祿均也而國以兵為固兵以食
 為要其給也尤不可以不嚴設官本旨欲其專心
 致意焉唯不差其度則當有投醪之均挾纊之盛
 所以推上之恩而使柳營王帳晝夜忘勞是為
 舉能其官而基夫將來不一之用者姓名併于此
 乎考所以不可不書 淳熙十五年九月甲午朔

諸司諸軍審計司

在保民坊內舊馬軍司教場 凡再 監察御史吳博

古記諸司題名 審計非古官也而原于古者凡

尤詳 國初以三司使總邦計司各有院以乘中
 外泉穀出入之政蓋會計之府也然案牘叢委典
 者不能徧察而姦容為 淳化三年始用戶部使
 樊知古奏剔其冗籍復別為院置官顯領之以聽
 稍食之要貳置院之初特掌騎兵徒兵給受之數
 猶未及諸司也 元置初三年合步騎兩院為一遂

稍 余

以其一主諸司自宮禁朝廷下至半食佐史凡
 賦祿者以式法審其名數而稽其辟名者唯郊賜
 給已乃審祿有疑予則詔以法凡四方之計籍上
 于大農則逆其會凡有司議調度會賦出則諏焉
 設員二曰左右聽分案六史八人然夷攷縣官祿
 賜費之月長歲滋如江河下流愈遠愈濶其浸淫
 未易隄障也自熙寧月四萬今又倍之中都官吏
 數萬緡障熙寧月四萬今又倍之中都官吏祿又
 耗特甚蓋居兵費四之一豈據券涉筆者曾無抹
 于經費抑端本澄源不在有司歛然糧審為大農
 閔紐僥據會要而觀則倖穿必有蹊蠹藏必有穴
 損益本末蓋可觀矣院故無記前人名氏不傳三
 山林君湜建安周君曄斷自南渡緒次官簿鏡
 之石亦不苟于其職矣故為書職掌大略于其端
 以論來者院舊曰淳熙十年中興避御嫌又記諸
 名更今名云淳熙十年九月既望御嫌又記諸

軍題名

江陰呂君棐廬陵孫君逢吉造今曰兩院
 皆君昔所有寧獨遺其一耶敢繼以請余觀舊事
 自淳化綿絕之始以三班掌事後消更用京朝

咸淳臨安志卷八

十一

官非中興選任尤寵善職者任登郎省將使指近
 比脫州縣登朝子為問津其輕重視昔何如而官
 是者昧不姓名于後寧非關欵諸君蒐補闕
 遺而余陳朽亦幸也寧非辱欵余曩嘗閱軍簿會
 將為兩院重茲幸也寧非辱欵余曩嘗閱軍簿會
 兵費窳喟然歎曰本邦維財蠹財維兵觀本與蠹
 相盛衰盍即是焉觀之試挈一歲審放之最錢以
 緡計糧以斛計帛以足計續以兩計者百二十有
 四億僅足以贍中都以足計續以兩計者百二十有
 秦漢以來雖或連兵曠歲費不擬此今橐弓柔遠
 期與天下休養而無涯之費如故民力安得不屈
 耶惟是圖九重儉慈不以一毫妨經費曰民與兵是
 恤是圖是以民無怨咨曰縣官所以征取于我者
 凡以衛我也兵無缺望曰縣官所以征取于我者
 此固不薄于我也然歛便兵絕虛籍國不徒費士
 得全廩師以不飢則任者職可不閑民力之不易
 念軍賦之難支悉意審覈以佐公家之萬一乎
 草本末大略與諸司同茲不復書姑以
 所嘗更者書以為後遺是年十月四日

權貨務都茶場

在通江橋東監場呂宗孟記提轄官題名

山澤之貢盛于

東南者莫過于茶蓋筭昉于齊衍于漢而茶稅起于唐利日益滋法日益詳縣官因以佐大農寬輿賦遂為經常之制國朝初循唐舊以九路之漕自達于淮回則轉監諸郡流而庾之茶有六權務十三場有貼財之法塔息之令事久而議者進說迺解弦更張之由是盡行鈔引以便商利民蕃貨長財法有適于時而更于昔者唯其宜也自鈔引之法行委所專于上都課衍而事繁官曹之選于斯為重故所居官不唯簿書期會之謹出納奇贏之察而疏原濬流禁溢室漏因革損益輕重低昂以時請之以時施之期以阜通商賈懋遷貨幣集此浩繁之課是豈循：委瑣徒以尸官者可倚辦也哉先是課入不立額唯視舊歲為等差乾道六禩始昉分有定數之歲總為錢二百四十萬萬萬行都受藏之兩為數八十萬萬外府之藏皆一百二十萬萬于鎮江者四十萬萬

咸淳臨安志卷八

十二

雜買務雜賣場

在通江橋東提轄汪泳記題名

唐制官市至國初為市買司

平興國四年置務常樂坊更名雜買奉禁中買賣而平其直廢于至道復于咸平景德四

自行都分置會而一之蓋繫于此則為官擇人其選尤重皇上帝循名覈實藩帥顯設以激厲羣下于事成功之域而貨府之官量器能而處兼文武而用歲成則褒進材優則起擢陞班列拮守符戡冠相望至有就除風憲官者茲可見其選已近歲以譽入之儉于數補之贍用趣辦登期正唯其官實圖利之然則官是官者盍思靖共齊一夙夜匪懈將以材譖績用自致庸副朝廷之選今之登載託始于龍飛之年所以闡揚選掄風厲之美意詔今與後之人率勉竭于所職故審訂涖官之名氏品秩而序次其先後伐石以志之庶幾異日有足證者尚論往昔則歲月深遠是不可考官僚增損亦不能詳茲故畧之淳熙十二年八月

年始於利仁坊置雜賣場尋徙宗山明門外凡內外幣餘之物掌受而粥之熙寧八年併于市易務數月而復從三司請也大抵免民行役官自餉市則歸之買務斥其幣餘以利公私則歸之賣場董以外府而地官總焉蓋詳于元豐官制之頒至給其實直非所關勿市鑿唐世擾民之患以京朝官內侍三班叅王之則發于仁祖皇祐之詔降出物帛估直以付左帑市以見緡疏內東門積弊而除之則見于蔡忠惠尹京之請張官設局意蓋深矣粵自南渡隨行在所請張官設局意蓋于天慶坊其視舊典小加更革凡宮禁月料朝省紙札文思院之製造和劑局之修合一取盈焉左帑所受封樁所積編佑以時其直打套以籍其數而就售為六年詔置提轄官總其事屬貨入歲儉而征債寢廣汲、圖辦日弗暇給前人名氏所未逮書慶元改元詠適庀職同察相與語曰百司皆有題名此獨門可乎考自始置得三十有二人歲月莫能盡識慮其久益遺忘用勒堅珉其重芳馨位通顯蓋不可一二數然非公爾忘私食焉不怠者莫之有聞一臧否之傳使人起敬起

咸淳臨安志卷八

一三

戒乃喟然曰嗟乎乘田委吏聖人不敢曠出內之吝明訓森嚴官雖卑惟竭盡乃職足以觀遠是豈無蠢弊可以剔抉利病可以疏陳與吾儕盡亦勉之後之今視猶今之視昔也期石之立匪徒具文庶幾朝夕有所警覽云二年九月望日

文思院

在北橋之東 紹興三年二月工部請做 京師

舊制監官分兩界上界造金銀珠玉下界造銅鐵

竹木雜料 隆興二年用左司葉顥請兩界監官

廳廨舍毋得與本院隣墻皆以防弊欺也太常寺

簿張貴謨記提轄官題名 皇朝 太平國興三年

工巧之制絃繪裝鈿之飾若輿輦法物器物之用以京朝官四人充監官內侍三班充使副及監門

領作州二又有額外一十作至熙寧九年東西
坊雜料凡三千餘作悉併焉自是職務既繁歷時
寢久積弊茲多而閔防之法益嚴咸平詔內東
門驗鑿色號景德詔左藏庫揀閱銷銘天聖
詔皇城司差人搜檢出入聽人告匠作入外料及
諸姦弊蓋其勢積而至此伏自渡江之後雖事
力小變宿弊萌生轉料之名始于紹興至淳
熙虧陷官緡錢以萬計銀兩以千計監臨竊取工
食緡錢月以百計事發因償多不及五分之一其
時建議議固有乞罷轉料及親事官者邇來上下相
蒙吏不自愛至有以身而獲戾者矣提轄林端陽
復親目其弊不得已首論三事得請于朝一置
都歷以防其轉料之欺二復親事官而奪其監視
之權三乞監官兩界通簽以絕獨負自肆之私攷
之劉牘粲然可見凡簿書朱墨間數十年姦欺蠹
弊之根穴一洗而盡吾固喜端陽居官任事其才
識通明如此哉院舊無題名今攷之積案自紹
興丁丑得康公杉而下及院官到罷歲月刊諸樂
石併于上方紀其事之因草
大略云 紹興癸丑七月

咸淳臨安志卷八

十四

左藏庫

在清湖橋西 紹興二十三年以韓世忠所獻

賜第為之有東西庫東則幣帛絁紬之屬西則金

銀錢券絲纊之屬太府寺丞鄭公顯記提轄官題

名左藏掌受四方財賦之入以待邦國之經費其

原蓋起于周職內主賦入職歲主賦出而邦布

之入出則外府又主之皆其職也漢更隸大農少

府頗與周異至晉始置左右藏分建東西庫于是

職掌益密然以太府少卿知出納于左長慶門之

東帑官殆不得職非古制也國初左藏止一庫

置使領焉率居以清望官太平興國中

興

東幣帛絕絀之屬在焉其西金銀泉券絲練之屬
 在焉大抵國家用度多靡于澹兵四蜀湖廣江淮
 之賦類歸四總領所以餉諸屯其送京者殆亡幾
 唯閩浙悉輸焉東西庫歲入以端計者率百四十
 萬以緡計者率一十萬給遣稱是而大軍居十之
 七官禁百司祿賜裁三之間有非泛浩繁之費
 則請于朝往出內帑封樁以補所闕監官凡
 五人分帑而治舊以京朝官為之今唯才是用故
 四選通得入轄官一人掌凡庫之政令初
 與閒擇丞若簿之隸于計曹者兼領之
 初始顯置今皆是監轄各有題名規撫痺陋歲久
 選亦不輕已先是朝廷遠東以備職事官之闕其
 題識且溢陳君宏規糾帑事始與同官議易新刻
 訪穹石混載而區別之實謂宜稱公顯遣佐司府
 每以職事造焉諸君以記為請其敢辭嗟夫官無
 崇卑皆可以行志會計當出內吝吾聖人所不廢
 也近世忠獻韓公嘗居是官不惟不鄙夷之且益
 加意焉奏復傳宣合同一司以相防察罷內臣監
 受網運以革稽留之弊蓋賢者及物之心所至輒
 發見三朝相業未必不繇此基之也諸君深惟
 咸淳臨安志卷八 十五

封樁上庫

在三省大門內

左司提領趙必愿記掾屬題名略
 曰封樁庫肇于孝皇之世淳

熙六年八月 玉音對輔臣謂初此備緩急者是
 也 嘉定七年又分戶部所掌錢物隸本所于是
 有上下庫之別上庫窠名則曰折帛曰總制曰增
 監曰三分監袋曰增額曰不排辦人使下庫窠名
 則曰煮酒曰酒息曰營田曰藍場曰蘆柴曰坵江
 曰沙田額曰五釐閔子為數至夥中因文移緩弊
 鑄多諸郡綱額虧焉 紹定六年八月提領左司
 陳公宗仁援安邊所北乞置掾屬一人幹辦公事
 既丞郡者 則曰主管

封樁下庫

在左藏庫中門內

安邊太平庫

在封椿下庫南

咸淳臨安志卷之八

十二日校 沈煥 是日初賣玫瑰花

宋本影鈔

咸淳臨安志卷之九

行在所錄

監當諸局

車輅院

在嘉會門外為四庫曰玉輅曰金根車曰金象曰革木各一又有小庫藏太平等車 咸淳二年聖上初郊 詔修五輅院之庫屋皆一新之製造 御前軍器所

在禮部貢院之西 中興初置提舉宮以內侍或閣門領之事得專達 紹興五年春始隸工部

咸淳臨安志卷九

詔日輪即官與軍器監官視其役

孝宗皇帝初年復以內省都知李綽為提舉未幾用臺臣請仍隸工部 乾道四年六月隸步軍司其後又以知閣門事為提點 景定三年改隸殿前司凡奏請文移部若監悉不預惟幹辦公事以下得受舉而監長書其到替日月於曆 紹興間工匠以二千雜役兵以五百為額今惟工匠七百餘人殿司又自以所隸作匠附益之每季上所製器於 內庫

萬全三指揮東西兩作坊營

在所之東北
編估打套局

在左藏庫門內

惠民和劑局

在太府寺內之右製藥以給惠民局與暑臘藥之
備宣賜者

太平惠民局

局凡五 紹興五年置從戶部侍郎王侯之請也

南局

在三省前

西局

在衆安橋北

北局

在市西坊南

南外局

在浙江亭

北外局

在北郭

外二局以各處稅官兼領

省倉上界

在水天院橋北即

中興初之南倉

紹興十一

廣按合壁事類在紹興十一年

年詔以省倉上界為名中下同倉凡三易嘉熙間

徙今處為教八受浙右米以供內人宰執百官親

王宗室內侍及給皇城班直與吏之役於省部者

省倉中界

在東青門外菜市塘乾道三年初為豐儲倉五

年易為中界教凡三十有七以下止平糶倉皆受

浙右苗綱經常和糶公田椿積等米以供朝廷

科支及大農宣限給賞凡諸軍諸司三學與百

司雇募諸局工役等皆給焉

省倉下界

咸淳臨安志卷九

三

在東倉鋪初於紹興八年舊址極廣袤景定

三年朝廷給緡錢更修乃析三之二建廩屋八

十而垣其餘廢屋地於外

豐儲倉

在仁和縣側倉橋東紹興初徙仁和縣治以其

址為北省倉乾道五年更今名景定四年以

公田租浩瀚諸倉不足以受乃詔即豐儲增創

刑部尚書兼檢正洪燾蒞其役咸淳二年八月

成為教百廳事刻

孝宗皇帝御書匪懈二大字為扁著作佐郎林應

炎為記 諸國家中興做漢釋三輔以給中都列置

東三面距河則豐儲倉也倉自紹興間置儲

道以豐儲名更嘉定嘗一修治初置倉時議儲

百萬斛備水旱左軍糧自頃和糶法行歲增造楮

為糶本楮日輕糶之八日少計城內外倉積僅足

支三月斯倉呼然大耳景定壬戌大傳大丞相

樞使魏國公為先皇帝言圖救楮莫如免糶圖

免糶莫如買公田公田整費永寧之圖也

之浙右年為慶豐租入益裕江淮之大軍轉般陳

陳相因蓄總京師之端平淳祐平糶等倉無所

于容向蓄總京師之端平淳祐平糶等倉無所

增創豐儲倉命領庾事陳公昉軍計趙嗣嘉農丞

吳益董其役檢正尚書洪燾匠丞國材繼之撤舊

址布新規墻其外三百七十四丈崇廣倉門為三

間翼以勢墻入門東園亭西吏舍其傍兩便門對

峙由東便門入教從六列南負墻北負河橫各一

列叔子教附為由西便門入教從三列南負墻一

正廳右教並監門廳後教凡二列折行五十餘步為

咸淳臨安志卷九

四

列夾正廳旁曰錢庫曰籌斗庫曰綱解房廳後有

退公亭兩旁有閣子又其後有園設石假山植竹

成行繚之墻四百尺墻北開門又為教橫三列勢

相向背其面墻大者為主教環一倉教之教百叔

子教二教前為循廊多不可楹教過道有廊為間

亦五十經緯以階用石萬段宣洩以溝甃其底凡

百丈將即功洪公猶慮累土為墻非堅久計語匠

丞夷去改築甃上石下灰斫其間倉于是宋壯周

密為城內外冠咸淳二年八月八日落成奉

孝宗皇帝御扁匪懈二字于聽事用肅廩人是役

也費緡錢八十三萬八百有奇米石四千洪公謂

三山林應炎曰茲役重大子為吾識歲月應炎適

執筆隸太史凡國大興役皆得書何敢辭然嘗

拜觀國史光堯置倉初意蓋取戶部歲終共

億餘粟儲其中時軍旅之後猶能節縮為此今邊

虞嘉靖經費有式每聞大司農至春夏交常借撥

省倉以贍用昔輟有餘以為倉今刻倉以補不足

何耶母乃冗食縣官以靡穀者多耶後庭宮女總

十餘安得太倉不紅腐武宣而後三公服官歲費數

鉅萬三工官費五千萬雖有三輔公田猶擗土塞

宋本影鈔

又河海然則倉儲之豐嗇
又閔上用之豐儉云

豐儲西倉

在餘杭門外佐家橋北淳熙七年勅為教五十
有九

端平倉

在餘杭門外德勝橋東端平元年浙漕趙與憲
創以儲漕糴嘉熙三年歸之大農涖以京局官
而領於宰士如它倉淳祐十二年咸淳五年
皆重修有水榭扁曰介然蓋取太倉箴語而併箴
刻石其中為教五十有六

咸淳臨安志卷九

五

淳祐倉

在餘杭門內斜橋南淳祐九年臨安守趙與憲
創以儲米之糴於帥司者建置次第皆如端平倉
其後朝廷撥支賑糴及付農寺以給諸軍諸司
景定三年詔給緡錢重修為教百

平糴倉

在仙林寺東淳祐間臨安守趙與憲創以儲臨
安之糴今朝廷大農米皆

咸淳倉

在東青門內後軍寨北咸淳四年朝廷議建

廩增貯公田歲入之米乃捐錢買瓊華廢圃益以

內酒庫柴炭屋地命臨安守潛說友創建凡為教

百為間五百有二為米六百萬石吏部侍郎兼直

學士院馮夢得為記宋有天下以來壹是以務農

粒民是斛時有舡倉稅倉折中倉之名太宗皇

帝大平興國七年至斤故迎春苑為富國倉聖

：其承藏粟衍益其慮深遠矣行在天子即祚之

五年有司言寰內歲此數登

不增庚積新者將靡所儲胥于是太傅平章魏國

公請以瓊華園廢地官予其直增縣如太平故

事制曰可其賜楮二百萬命守臣潛說友蒞其役

歲十有一月鳩工越明年六月成詔以咸淳

名之倉之督吏未謂史官馮夢得曰蓋聞聖人積

不涸之倉王者用無窮之府所從來尚矣漢太倉

在長安城南為楹百二十耳陳之粟著牒猶或

稱之斯事體大可無紀乎夢得竊惟古者委積之

法至周而甚詳周之氏於倉者我知之矣所掌粟

入以待邦用藏之于有餘而頒之于不足凡以為

民而已方田同井：九百畝一夫受田百畝其中

為公田當是時鄉遂畿也其法貢都鄙甸也其法

咸淳臨安志卷九

六

宋本影印

不已憚乎 陛下圖匱于豐防儉于逸以克知于
稼之難地寧天清五穀睦熟含嘉表瑞常蒲滿習
祥是倉之作名以咸淳志時也民曰天子之德
而天子曰先帝之心繼自今厥穀惟修厥舊惟
播利用厚生之功將萬世而下實嘉賴之凡倉教
百教之間五百有二規置崇鉅費宇齊乎卓乎諸
倉弗及已倉前舊有河鑿而廣之以便船粟亘以
石梁亦名曰咸淳云若夫屋材墻形木功土事
之概廼圖而著之矣

草料場

在天水院橋西受畿內所輸稻麥豆以給騏驥院
良馬院與三衙諸府之馬 淳祐九年重修教十
有二

合同場

在過軍橋下

會子庫

在本務 紹興三十一年 紹臨安府置會子務
隸都茶場悉視川錢法行之用戶部侍郎兼知臨
安府錢端禮之請也中經省併以權務門官兼領
紹定三年復五年因燬重建以都司官提領工匠
凡二百四人日印則取紙於左帑而以會歸之自
咸淳以來 朝廷措置住造錢闕止於元年之五
月十八界止於三年之三月

造會紙局

在赤山之湖濱先是造紙於徽州既又於成都
乾道四年三月以蜀遠紙勿給 紹即臨安府置
局從提領官權兵部侍郎陳彌作之請也始局在
九曲池從徙今處又有安溪局 咸淳二年九
月歸焉亦領以都工徒無定額今在者一千二百
人 咸淳五年之三月有 旨住役

交引庫

在太府寺門內印造茶鹽鈔引而請書押於丞簿
法物庫

在梅家橋北掌祭祀法服朝服冠佩帶舄及旗幡

咸淳臨安志卷九

八

衫袍等物內侍領之

度牒庫

在油車巷

市舶務

在保安門海商之自外舶至京者受其券而考驗
之又有新務在梅家橋之北以受舶綱

司農排岸司

在前洋街掌拘卸綱運檢察搜空而繫其不登數
者

三省樞密院激賞錢庫

在俞家園

三省樞密院激賞酒庫

在錢塘縣南

左右騏驎院

在漾沙坑以二十四疋為額日朝參則二院御香
各以三馬南向立於和寧門之外

象院

在嘉會門外御馬院

景定間安南貢象三豢其中

左右騎御馬直

在七官宅山上

咸淳臨安志卷九

九

左右教駿營

在院之左右

牛羊司

在權貨務後掌

御膳及祭祀之牲有滌宮在赤

山

咸淳臨安志卷之九

娘同口校

咸淳臨安志卷之十

行在所錄

殿前司

在鳳凰山下 麗正門之右有

御書閣凝香堂整暇堂山之上為月巖有亭曰延

桂其最高處曰介亭崖石嶙峋亭之後為冲天樓

極江海湖山奇偉之觀

侍衛馬軍司

乾道七年虞允文為相移屯建康以為出師之漸

咸淳臨安志卷十

號馬軍行司以邊帥兼領元帥衙在保民坊今為

司農寺將作監公等宇

侍衛步軍司

在鐵冶嶺西有

御書閣湖山堂錦繡樓相公井

閣職

閣門

在和寧門外

客省四方館

在東華門北客省掌收接 聖節進奉香及使人

往來接伴之禮四方館掌收接諸朔旦正至表及

大禮賀表

前忠佐軍頭引見司

在文思院後有等子營

內諸司

入內內侍省

皇城司

御藥院

內東門司

天章閣

咸淳臨安志卷八

二

宴設庫

後苑

御前庫

文字房

睿思殿庫

內藏庫

綱房

在六部橋東

御前酒庫

梅園庫

在梅家橋南

醋庫

在望仙橋北

御軍器庫

內軍器庫

御膳所

翰林院

禁衛所

奉安符寶所

主管往來國信所在都亭驛

同文館

提舉修內司在考仁坊內
青平山

御前內轄司在東華門外
東庫內

咸淳臨安志卷一

東庫在東華門外

西庫在孝坊內

南庫在便門南

北庫在新門外

青器窰在雄武營山上
圓壇左右

八作司在內轄司東庫內

教樂所在東華門外
吳山天明宮側
樂器庫在

外庫

慈元殿

皇后殿

吳益國

淑妃位

昭儀位

脩容位

美人位

才人位

御前應奉所 在東華門外

置造軍器處

內司備用庫

御輦院 在東華門外

咸淳臨安志卷十

翰林司

儀鸞司

御服所

御絛鞋所

萬壽香所 在中軍寨側

道場庫

通進司

御馬院 在麗正門外嘉會門外

良馬院

祇候序

主管翰林醫官局

主管合同憑由司

大內鑰匙庫

已上司存並領以內侍惟 皇城司則閤門
御帶環衛官兼幹辦 御膳所 御酒庫翰
林司儀鸞司則右選為幹辦

邸第

諸后宅

昭慈聖獻孟太后宅

在後市街

顯仁韋太后宅

咸淳臨安志卷十

五

在薦橋東 咸淳五年十月 朝廷以 中興

母后之家恩例視 開國 昭憲杜太后撥降

錢米令臨安府重脩家廟

憲節邢皇后宅

在薦橋南

憲聖慈烈吳太后宅

在州橋東

成穆郭皇后宅

在佑聖觀側

成恭夏皇后宅

在豐樂橋北

成肅謝皇后宅

在豐禾坊南

慈懿李皇后宅

在后市街

恭淑韓皇后宅

在將軍橋

恭聖仁烈楊太后宅

在漾沙坑

壽和聖福皇太后宅

在后市街

今上皇后宅

在崇新門內

家廟五室賜祭器每四孟月以

御厨兵治

祭饌以奉常禮直官贊相行禮

諸王府

濮安懿王府

即嗣王所居為府

吳王府

在後洋街

益王府

在新橋

秀安僖王府

在後洋街

莊文太子府

在井亭橋

沂靖惠王府

在清湖北

景獻太子府

咸淳臨安志卷十

在鐵冶嶺

榮文恭王府

在佑聖觀北

公主府

周漢國端孝長公主府

在左藏庫西

勲臣賜第家廟

張循王府

在清河坊

紹興初

賜第

車駕嘗臨幸置

御榻其中

慶元間曾孫鎡築廟於第之東以

高宗皇帝御書德勳二大字名太史陸游為廟

碑自古王者經綸草昧戡定亂略必有熊羆之力而廟謨國論密賴以決實兼將相之任者在

我高宗皇帝時有君太師循忠烈王張公實

維其人粵自高宗歷試于外開大元帥府總

天下兵首以山西豪傑入侍幃幄龍飛順動避

狄南渡公則有扶天夾日之功蕭牆釁起群

公暗拱公則倡勤王復辟之大策氛祲內侵

戎馬承突公則奮却敵禦侮之奇略臣盜乘間

群兇和附公則建剪除安輯之成績由是不數

年間國勢安強夷虜奪氣請和而一二重將未

還宿衛論者咸以為非長久計公則率先請罷

宣撫使事奉朝請章再上引義懇款于是議始

定士大夫咸謂其得大臣體而高宗亦每謂

之腹心舊將又曰從來待卿如家人又曰是人

與他功臣相去萬蓋高宗蹈履艱危身濟

大業沉機獨智燭微察遠以為方海內橫流

巡幸四方暴衣露蓋周衛單寡非如一中都高

咸淳臨安志卷十

八

拱蚘蝮蠖濩之居江流阻躡海道沾危非如平

時安行清蹕馳道之中不有如公者協心同德

均禍福共安危譬之一身頭目手足手足不令而自

而自至譬之一身頭目手足手足不令而自

則天下之計將以誰諉爰盜謂絳侯功臣非社

稷臣則社稷功臣與功臣果異建炎以來功臣

則有矣至可名社稷功臣者非公而誰故國家

所以褒表崇異常出等夷之上非私恩也及配

享高宗廟廷其次偶居其後或者疑焉是不

然唐名將前曰英衛後曰李郭衛公汾陽之勳

德魏如泰山終不以姓名次序為歎欽宗皇

帝下詔褒顯故老而范文正公實次司馬文正

之下司馬公之賢不肖不過與范公等范公輔

政先數十年聲詩所載以配夔高而顧乃居次

世豈以此為有抑揚之意哉公之曾孫鉉王世

傳嫡長如築廟于居第之東廟成以高宗御

書德勳二大字為廟之名維忠烈王勳業之詳

與夫世諱字系官爵葬有碑謚有誥史有傳此

不復載顧廟祭宜有歌詩刻于鹿牲之碑乃作

詩曰宋傳九聖高宗是承化龍渡江天開

中興維忠烈王翌從帝旁捐身棄孥獨當豺
狼煙塵未息變生肘腋首倡義師氣阻金石大
業復隆退不矜功雪涕引罪身衛行宮國有
大難我則出捍功成愈謙將士畏歎既空盜藪
麇虜淮右拓皋之捷梁楚無寇河洛將平虜畏
乞盟亟上虎符就第王城茂勲明德爛然史冊
燕及家國非王孰克築廟作主三室同宇歲時
奉享豐豆碩俎國有世臣家有元孫咨爾後
人祇栗廟門

年廢於火孫宗愈始請廟於

朝且自任營建旨從之下禮寺討論祀循王
而上五世頒祭器法式聽令自造仍差主管官
一守影使臣二兵給二十七而以宗愈之子孫
世領祠事其家有石刻二具載顛末

韓蘄王府

咸淳臨安志卷十

九

在前津街 紹興間凡兩 賜第一在清湖橋
西獻以為左藏庫基一在新莊橋西獻以益
景靈宮遂徙今處

高宗皇帝嘗名其閣曰懋功大書三字 賜以
為扁

孝宗皇帝朝子彥直乞立家廟有旨從之其
祭器惟賜銅爵勺各一餘用竹木頒以圖式聽
其家自造 淳熙五年即所居第創建凡廟式
之制官兵之數皆如令

劉鄴王府

在明慶寺南 賜第歲月無所考 開禧三年 有旨即賜第基建家廟儀制並同張韓今其

御書家廟二字為扁子孫莫得而詳故勿及論者

楊和王府

在洪橋 紹興二十六年 詔賜家廟仍下將

作監為祭器以 賜歲時行禮大常遣贊相者

其所居第有閣寅奉 御書

孝宗皇帝賜 奎畫曰風雲慶會之閣

太傅平章賈魏公府

在葛嶺 景定三年正月

咸淳臨安志卷十

+

理宗皇帝內出 御札曰朕惟 我朝褒表功

德具有彛典如趙普有翊戴之元勳則 賜第

宅於 建隆文彥博有弼亮之偉績則 賜家

廟於 至和今丞相賈似道忠貫日月身佩安

危滌除妖氛再造 王室其元勳偉績不在趙

普彥博宜下 賜第宅家廟令有司條具以聞

公屢詞 詔書下者屢公辭益力乃賜 御札

曰卿茂建元勳超軼千古 社稷宗廟亦嘉賴

之第宅家廟之賜猶未足以竟 朕褒尚之意

今卿免積屢陳乃以勞民重費其体國一念及

此益用敬嘆特從所請仍以集芳園為賜
 可令封椿庫支撥緡錢百萬展拓規模就建家
 廟遂雅志也蓋公舊有別墅在園之南故以
 賜焉公又辭上復親禮勉諭曰賜卿邸第
 家廟朕之初意也以卿執謙過甚力控遜擯
 朕不得已有苑囿緡錢之賜卿乃復以給降之
 夥而有木安厥心之語卿盍思曩者妖氛未息
 天下大勢何如也自卿建此不世之殊勲民賴
 之而保其居朕賴之而保其國今雖竭公帑
 之儲猶未足以酬卿之萬一緡錢百萬尚奚足

咸淳臨安志卷十

十一

惜耶卿宜祇服休命毋復贅詞公猶懇避竟弗
 許於是奉常已討論禮制上於朝乃按舊典
 作新廟五室同宇饗以四孟月祭器皆尚方
 所賜凡典領官吏掃洒軍兵與花果月頒之隸
 版曹及京圯府者悉如在京諸賜廟之儀

資政楊棟撰廟碑

宗有天下治出於一君歡

神穆：明：並受多助是以履危而安遇險而

平滔天之害禹成厥功寇賊姦究臯討有罪至

於迓續上帝之休建立社稷之策培桐梓集麟

鳳驅魑魅剪穢棘汎：國航磐石維之暉：皇
 輿九軌馭之物來而神為之謀事至而人與之
 會莫知所以然者皆至德天順之應也景定三
 年正月詔賜今太傅平章軍國重事魏國賈
 公忠貫日月身佩安危滌除妖氛再造王室

有勲績不在趙普文彥博下宜賜第宅家廟令
 十數公又固辭遂命賜集芳園及緡錢百萬
 建廟公又辭天筆有曰卿盍思曩者妖氛未
 息天下大勢何如今民保其居朕保其國願
 無以酬卿耳百萬緡錢何足惜耶天命諄勤
 不敢不拜乃卜賜園正基治位為門再重為
 宮五室五代祖太師居中左二室高祖太師祖
 太師魏國公居之右二室曾祖太師魏國公皇
 考太師忠肅魏郡王居之皆以妣配東西序為
 祀堂以祀旁親祭器在東房名諱爵里譜系在
 西房庖庫在中門外大抵皆頌臺所定是歲四
 月廟成祖考安樂天子有慶廟以崇德賜
 以報功上悅下順休明之典也先是凶儉當
 政數備弛實啟戎心實祐六年冬韃空國南
 寇蒙酋入蜀守將望風以城降恭惟理宗皇
 帝聖明獨斷將蓋付公以兵事明年改元開
 慶遂命公自樞密使兩淮宣撫大使知揚州
 依舊樞密使除京西湖南北四川宣撫大使
 舉兩淮兵甲總領湖廣江西京西財賦知江陵

咸淳臨安志卷十

府尋節制江西二廣公受詔即日趨荊州辭
 府事進夷陵慶軍赴蜀斷賊梁于麻淮解重圍
 于合江蒙囚斃吳蜀通護烈初與蒙酋期并入
 雲南之寇會合而東乃乘沼江隙偷舟羅狀擁
 衆夜渡公自荆疾馳拒守漢鄂身當百萬師晝
 夜死戰百餘日四面斬虜：却走既全漢鄂又
 遣師勤賊于湘潭虜重兵猶駐鄂下流以俟南
 來之衆江閩遣將覘虜而舟覆師敗虜勢復張
 墨于白鹿磯浮梁斷江東西隔絕烽燧達甘
 泉時凶儉雖斥而其醜聚汙合瀆亂中外土墮
 民解無足憑者朝廷創宣聞于洪聯絡九江
 倚以扞蔽既而屯將遇敵潰敗虜益深入焚掠
 江西諸郡京城大震此天子飛筆所謂天下大勢
 何如之時也于是天子親劄諭公可移
 軍九江公讀詔泣下飭制臣謹守武昌獨携
 數百兵從間路夜穿虜脇寇自江西四適與之
 遇厄險疾擊斬其酋擒其衆以行謂江州遠賊
 徑渡黃岡出虜之東上拜公特進右丞相樞
 密使茂國公至是七閱月矣願下流諸將制于
 洪閩事不統一公東望拜相命以右相勒兵沂

水而上虜謂公在鄂旗鼓忽自東來駭汗顛踣
 遂大破其壘殲之無一得還虜由是大懲不敢
 窺江今十年矣此天筆所謂再造王室勲
 績不下趙文二公者也夫狂虜積數十年猶憂
 之志謀深氣盛卒然遇之如山裂海翻變異不
 測而公獨揮天戈西掌南擊及鉅狡橫衝則親
 冒鋒鏑攀棘拔險幹奇飛渡求一生于百死中
 豈不知愛其身哉戰陣無勇非孝也聖祖
 神宗威靈在天乃祖乃父竭忠盡孝不知有身
 繼其志服其事者在此立此心也目中已無虜
 矣理考念功勞勤之禮備至茲斥靈囿開珍
 府城闕宮昭先烈皆所以彰明公志若昔帝王
 知教孝之光所無不通也感神與征苗同一至
 誠力溝洫與孝鬼神同一無間臣告君以七世
 之廟君命臣以世享德盤告聲牙無非上帝
 先王暨乃父祖馨享之事褒賞申伯曰寢廟既
 成詠詞中興曰續戎祖考蓋幽顯一源君臣一
 體祖孫一氣幾動于彼誠動于此神應之妙非
 上智不足知之公既入相首建議立皇儲以
 尊宗廟繫四海心于是旌別淑慝登用賢俊

咸寧臨安志卷上

拔去峻邪斥絕苞苴宮府內肅戶牖外網皇綱
 一振景定六年奉皇太子即位垂紳正笏
 以安天下四方無虞年穀順成鐘磬鼎彝郊格
 廟享春秋祭祀達于黎烝王通有言美哉公旦
 之為周也曰必使我子孫相承而宗祀不絕也
 深乎深乎安家者所以寧天下也存我者所以
 厚蒼生也程純公謂通有格言非荀揚所及其
 以是欵家國匹休人已俱立仁也孝之至也
 作潮之七年庭有碑而詞未立公以命棟夫風
 動四方允賴萬世禹臯之功大矣其必帝舜申
 之今斯人安居暇食以奉其先孰不樂此功而
 仰舜之盛德乃繫之詩以聲于朝其詞曰天作
 高山稽山之東兩鍾厥有神秀有鍾是應泰階
 是生元輔匪今斯鍾厥有神祖維周諸姬世德
 可推辟雍名流遂昌大之作牧參井悍將盤錯
 萬里身危能折其角開厥元帥護我淮甸聲被
 齊魯招携察變終老北門遺德餘威生虜自憚
 死虜無歸惟孝有忠代：所授手整堪輿前烈
 是寃先皇神聖遠料窮漢九天專命世臣
 付託狂韃謀我殆數十年一旦披猖齊入三邊

諛辭醜語
從不休無
恥之尤者也
國竟使人
髮指

奉辭往禦震電轟雷天戈所揮蒙斃江開護烈
兇狡隙罅觀巧揖揖魚艘苛征避撓江北有狀
倫渡犬鼠初湊漢鄂百萬其旅順流赴危一以
當十公何壯哉叱咤咎鞭麾軍南指衡岳湘潭
封胡無血猶帶領嵐虜却且遁睨江洪閩內驚
京師殺氣猛狠公怒而起劍屨不俟草坪無路
赤壁無鱗先有帝敕下流辦賊公拜稽首指
軀臣職躍出其東虜駭旂幢瞻前忽後莫則神
蹤厥角如推弗赦籲哀以快吾事以德厥暉
書夜奏天子斷謨帝曰俞哉汝功永孚江
湖淮廣酣寢甘飴社稷再安宗廟損篲天
清地寧一人以懌君臣相勅無忘今日何
以報功廟宅是營若昔趙文亦有國勲我有
靈囿北山麓其木虬龍其水瑩玉匪我與爾
高皇嘉喜中興以來功孰汝比爰作闕宮斷
度尋尺太常所定楠楹孔碩赫：官儀五廟帝
師翼：承祀圭衮委蛇相武翊成孰競訪落國
正法度違停鉦析惟彼儉人載孳載芟惟此良
士實播實函氣郁和薰上際于天大雅無拂春
秋有年黍稷馨馨止辨章受祉邦家之光與

咸淳臨安志卷十

宋千禩子子孫孫戴嘗福
直學士院劉克莊撰

祭器款識
維 景定二年 王月乙丑 詔太傅
丞相 賈公 似道 奕世 勲勞 再造 王

室其 賜家廟于 行都 迴作 園當湖山最佳
俎豆 俾奉 時薦 萬子 孫實 永之

處亭則清勝蟠翠雪香倚繡挹露玉藥石則翠

巖皆

高宗皇帝御扁至是

理宗皇帝又賜六大字曰西湖一曲曰奇勛公

遂增築二堂奉而揭之奇勛之右曰秋壑一曲

之左曰容堂亦皆 天筆也又因集芳之舊稍

加營葺以侈 君賜其尤為奇觀者曰無邊風

月復出林杪可以江曰見天地心近而湖山
遠而胥濤越岫咸獻狀於楹簷之下初陽臺正
臨其上因築精舍紀葛僊故蹟而熙然臺蒼崖
如削則刻賜園歲月焉景定三年正月八日
賈似道蒙上恩賜
家廟第宅于行都辭勿獲因集芳園鄰舊
居就賜給緡錢便營葺焉用謹欽承子子孫孫
其毋忘忠報此其大凡餘不悉紀

今上即位之三年公上相印引去詔拜太師
鎮東軍節度使侍經筵未幾復相公勉就職
再閱歲引去彌切上莫能奪拜辨章許就居
賜第以示優禮乃建節樓於容堂之北又名其

咸淳臨安志卷十

十五

西之堂曰遂初喜遂便養初志也堂顏則
聖上所賜於是

三朝雲漢之章昭回相望盛矣哉集芳之名
不敢襲舊而更曰後樂云

題詠

平章賈魏公庚子歸葛嶺舊居詩罷官歸
舊宅山水得頻過息影隄邊諱清心湖面

波勞無功可紀頑有命相磨見說連朝雨田家
正剪未咸淳三年生日口號君恩猶使居湖
曲年未為高奈病河做却潞
公官職了較來謝事不爭多

官宇

左丞相府

右丞相府

樞密知院府

參知政事府

同知樞密府

簽書樞密府

在太廟北大渠口 紹興二十六年 詔兩浙

轉運使建三執政府又即都省北建左右丞相府

後聚建於今處

侍從宅

在都亭驛東 景定四年創為廳十有二又有堂

曰進思

咸淳臨安志卷十

十六

宗皇帝御書刻石堂中吏部尚書陳昉恭跋等

恭惟 國家 駐蹕 吳會 東南 旌蓋 運應 中興 太 紫圓 方侔 天作 制承 平百年 官府 寺第 固已 粲乎

隱：各 得其所 矣爰 自 紹興 給降 御前 錢造 府以 居執政 乾道 闢懷 遠驛 基以 處臺 諫而 從

臣休 舍未 有攸 居 國史 無述 焉 景定 四年 秋 從官 宅始 成其 明年 夏權 禮部 尚書 臣子 才曰 經

屢從 容奏 陳臣 等蒙 恩獲 塵侍 從幸 得比 屈而 居 又規 其南 隙地 築堂 三楹 欲為 自公 退食 之餘 修

進思 盡忠 之事 臣敢 昧死 請 宸翰 賜進 思二 大 字示 臣子 竚瞻 秉心 宣猷 永詔 無極 奏函 朝入

天筆 夕頌 奎章 聖藻 日月 並明 名御 題雲 楯丹 獲 無色 諸臣 拜手 稽首 仰瞻 神文 相與 言曰 思之

時義 大矣 哉臯 陶禹 之在 虞廷 其贊 曰思 致之 荀 曰思 周公 兼三 王施 四事 孟軻 氏兩 以思 言之 荀

林父 伯國 之臣 也其 進思 盡忠 則仲 尼取 而列 之 經以 為萬 世臣 子事 君之 大訓 凡士 自一 命以 上

莫不 職思 其憂 而侍 從者 論思 獻納 之臣 也先 正 司馬 文正 公光 曰辭 副樞 論國 事而 曰臣 未受 命

則猶從臣也于是無所不可言者古之為從臣蓋如此彼有便文自營而謂君子思不出其位者偷也以往來朋從爾思而所謂天下何思何慮者妄也若夫懂其于為人賢不肖又何如哉詩曰倬彼雲漢為章于天子昭皇文丕天之大理也又曰上帝臨汝母貳爾心論思之臣其勉之

臺諫宅

在車巷為廳五又有廳為會茶議事之所

省院官宅

在開元宮前

卿監郎官宅

在俞家園 咸淳七年創

咸淳臨安志卷十

七官宅

在郭婆井

五官宅

在仁美坊

三官宅

在潘閭巷

十官宅

在舊睦親坊

咸淳臨安志卷之十

十三日娘校

二十日閱訖卷出訛字教處或徑改注廣業識

